

四庫全書

子部

欽定四庫全書

子部
記纂淵海卷十五

詳校官中書_臣涂日煥

侍讀_臣孫球覆勘

總校官降調編修_臣倉聖脉

校對官學正_臣常循

謄錄監生_臣舒秀岐

欽定四庫全書

記纂淵海卷十五

宋 潘自牧 撰

郡縣部

廣南東路

廣州

倚郭二南海
外縣六清遠

番禺
增城

懷集

東莞

新會香山

清海軍節度

廣東經略安撫司轉運司

提舉司市舶司

郡號番禺 五羊 南海 清海 東莞

州沿革牽牛婺女之次越分野禹貢揚州之域春秋百越地秦漢南海郡東漢建安魚立交州尋廢之吳分立廣州晉為州治隋廢郡改番州大業復南海郡唐武德立廣州貞觀為都督府開元為嶺南道天寶為南海郡乾寧升清海軍五代南漢劉隱所有

地理沿革表

縣沿革南海本秦南海郡番禺縣地東漢交州吳廣州皆治此隋改番禺曰南海為州治唐因之五代劉隱分

置咸寧常康二縣本朝省之 番禺秦初置縣至隋改南海唐長安於江南洲上別置番禺分置郭下 清遠本漢南海郡中宿縣地晉屬始興郡梁立西衡州改縣為清遠郡隋廢清遠為縣屬廣州 增城本番禺縣地東漢初析置晉成帝分立東官郡宋齊仍屬南海隋廢郡以縣屬廣州 懷集本漢南海郡四會縣地又蒼梧郡封陽地晉於四會地置懷化縣屬新會郡宋齊屬南海齊於封陽地置淳安縣隋省二縣後復置懷集縣屬

廣州唐武德立威州並置興平霍清威成三縣貞觀州廢省三縣入懷集又置洊安縣開元省永固縣入懷集至德改洊安為洊水本朝省之東筦本漢博羅縣地隋置寶安屬番州唐至德更今名屬廣州新會本漢番禺縣地晉恭帝置新會縣及郡隋廢郡為封州改允州又改岡州大業州廢屬南海郡唐武德岡州析置封平封樂復二縣正觀州縣並廢尋復立岡州開元州廢以新會屬廣州香山本香山鎮在唐南海番禺東筦

新會之境本朝昇縣

地理沿革表

形勝番山在南 禺山在北 金山在新會 寶山在

東莞 廉山在清遠西 貪泉在番禺西 崑山在新

會上有天井 崙山在新會有白龍池 浴日亭在扶

胥鎮南 連天觀在提舉司 五羊城在南海縣昔有

五仙人騎五色羊至此 九龍泉在白雲山 琵琶洲

在南海東 珊瑚洲在東莞南 珊瑚井在浮丘山

鳳凰岩在東莞 鷓鴣峰在增城

輿地紀勝

人物唐區丹從學韓文公 五代何澤為洛陽令諫唐

莊宗好獵 羅威事母至孝 黃舒事母至孝人目其

居曰參里

二人未詳其是何朝代

皇朝馮元中甲科能通五經

典地

勝紀

集番禹軍府盛欲說暫停杯蓋海旗幢出連天觀閣開

倚時龍戶集上日馬人來風靜鷗鷖隱官廉蚌蛤回

韓文

縣樓重蜃氣邑里襍鮫人海暗三山雨江明五嶺春

參岑

霧遶龍川暗山連象郡遙

劉長卿

連天浪靜長鯨息映日

颿多寶舶來

劉禹錫

五羊城在蜃樓邊墨綬緹腰正少年

山靜不應聞屈烏草深從使翳貪泉

皮日休

居人愛近沉

珠浦候吏多來拾翠洲

陸龜蒙

番禺萬里路遠客片帆過

盛府依橫海荒祠拜伏波

劉文房

本朝開寶五年省咸寧當康二縣入南海廢番禺省游

水入懷集廢東莞入增城六年復置東莞 皇祐三年

復置番禺縣

紹興二十二年升香山鎮為縣

沿革表

十

年日照珍珠市萬瓦烟生碧玉城山海是為中國藏梯

航尤見外夷情

程師益

客聽潮鷄迷早夜人瞻颶母識陰

晴

同

番禺二月尾落花已無春惟有薔薇水衣襟四時

薰

郭詳正

岸邈天影隨潮入樓上春容帶雨來

陳興義

韶州

倚郭一

曲江

樂昌

仁化

福建

乳源

廣東路提刑司

郡號曲江

始興

韶石

廣興

武溪

州沿革星土同廣州春秋百越地戰國屬楚秦南海郡

地漢桂陽郡地吳分立始興郡屬交州宋改廣興郡齊
復始興梁蕭勃置東衡州隋開皇改韶州十一年廢入
廣州唐武德立番州尋改東衡州貞觀曰韶州屬嶺南
道天寶曰始興郡五代盧光稠據之後入南漢

地理沿革表

縣沿革曲江縣漢屬桂陽郡吳屬始興晉為郡治隋初
置韶州後屬南海郡唐韶州治 翁源本漢湏陽縣地
梁蕭勃分置翁源縣陳又立清遠郡屬廣州隋廢郡尋
省之唐武德復置屬涯州貞觀州廢來屬 樂昌本漢

曲江縣地梁置梁花縣又分置平石縣隋省平石氏梁
花屬廣州後更今名唐武德來屬仁化本漢曲江縣
地唐垂拱析置屬廣州後來屬福建本曲江翁源地

本朝析置乳源本曲江樂昌地本朝析置

地理沿革表

形勝浮山在州東北躡之地動曲江乃湏水武水合
而曲抱州域芙蓉峰在州西蓮花山在州南松
派水在翁源黎溪水在曲江寶石山在州南錦
石岩錦石溪在仁化越王山在州北天王嶺在南

峰山下 靈池在山翁源 靈溪水靈君山在樂昌

曹溪宣溪靈溪水皆在曲江 吳溪水在仁化 韶石

在曲江二石相峙如雙閣 昌山在樂昌有奇石

輿地紀勝

人物唐張九齡名相號曲江公 皇朝余靜以直諫著

名 王陶官至度支郎中五子應舉三人一榜中選

蕭雅蕭雄蕭維兄弟俱隸上庠登第 鄧戡子堂孫弼

三世登第 譚必應童子舉

輿地紀勝

集交趾丹砂重韶州白葛輕

杜甫

炎海韶州牧風流漢署

郎同上送
韋員外

曲江山水間來久恐不知名訪倍難願借圖

經將入界每逢佳處便開看

韓丈

南行踰六旬始下樂昌

瀧惡不可言狀船石相衝撞

同上

行舟傍越岑窈窕越溪

深水閣先秋冷山晴當晝陰

張曲江

本朝開寶五年省仁化入樂昌咸平復置 崇寧元年

以岑水場置福建縣 乾道二年置乳源縣

沿革表

韶州

南國鎮靈蹤傳自曩雙闕倚天秀一逕尋雲上

余靖

云云

曲江水天借九秋色樓臺飛半空秀氣盤韶石

王介甫

首

參虞舜叩韶石次謁六祖登南華

東坡

羣峯合勢曲江頭

二水交流夾一州地有九疑清淑氣人無五嶺鬱蒸愁

譚太傅

肇慶府

倚郭一外縣一

高要四會

肇慶軍節度

郡號信女 高要 端溪 四會 興慶

府沿革星土同廣州春秋百越地秦南海郡地漢蒼梧郡地宋齊屬南海陳立高要郡隋廢郡立端州大業信

女安郡唐端州屬嶺南道五代南海所有

地理沿革表

縣沿革高要屬蒼梧郡晉置平興縣屬新寧郡宋齊屬南海又置平興郡梁又置梁秦縣及郡陳立高要郡隋端州置高要縣改梁秦省入平興為清泰又置博林縣唐武德尋復置清泰貞觀省博林入高要省清泰入平興本朝並省平興四會秦初置縣漢屬南海郡宋分置化蒙縣屬綏建郡隋二縣屬廣州唐武德立南綏州二縣屬焉觀更名潯州州廢屬廣州本朝省化蒙入

四會來屬

地理沿革表

形勝石室山在高要又名嵩臺山號神仙下都 石澗

山在四會 爛柯山在高要 老香山在廢平興縣西

端溪山有五色香水 端溪水在高要 龍子嶺獅

子岡鳳頭岡在四會 牛鼻山在始昌 端溪子石硯

可值千金有赤白黃色點者謂之鸛鵲眼脉理黃者謂

之金線紋

興地紀勝

人物皇朝梁順孫兩貢辟雍第 譚維寅中梁榜乙科

黃執矩從胡致堂張南軒遊

興地紀勝

集端州石匠巧如神踏

闕

磨刀割紫雲

李賀

端州江口連

雲處始信哀猿傷客心

李紳

本朝元符三年升興慶軍節度政和升興慶府重和改

肇慶府肇慶軍

開寶五年省平興縣入高要六年省

化蒙縣入四會

熙寧六年以四會屬端州

洪肇表

包孝

肅守端州歲滿不持一硯歸

言行錄

知君今向端溪去願

助清風泛怒濤

朝僧贈陳堯叟

端州正在雙峽間石室高臺壓

孤壘

郭祥正

新江自南來西與端江匯屹然鵠奔亭遺音

垂千載

同上

德慶府

倚郭一外縣一

端溪瀧水

永慶軍節度

郡號端山

開陽

瀧水

晉康

靈陽

羅田

府沿革牛女分野春秋百越地秦屬南海郡漢屬蒼梧

郡晉穆帝分立晉康郡梁別立開陽等郡置雙州隋廢

諸郡屬端州大業改雙州為瀧州州廢屬信安永熙二

郡唐武德立瀧又立南康州尋廢貞觀置康州天寶曰
晉康郡瀧州曰開陽郡並屬嶺南道五代南溪所有

地理

沿革
表

縣沿革端溪縣屬漢蒼梧郡晉立晉康郡宋又置樂城
都城安遂三縣梁置建州廣熙郡於安遂縣隋端溪樂
城並屬端州信安郡都城縣屬蒼梧郡安遂縣屬永熙
郡唐武德立南康州治端溪省端州之撫納入焉至德
改安遂曰晉康與樂城都城皆屬康州後改樂城曰悅

城本朝省諸縣入端溪 瀧水本端溪縣地宋置永熙
縣梁置開陽平原羅陽三郡三縣隋廢三郡以三縣屬
瀧州開皇改平原曰瀧水羅陽曰正義又置安南縣大
業以瀧水立永熙郡而省開陽正義入焉又省永安入
永熙唐武德立瀧州復置開陽正義尋省正義又析置
安南與永熙屬南建州五年更永熙曰永寧貞觀改南
建曰藥州州廢以南安永寧屬瀧州天寶改永寧曰建
水至德改安南曰鎮南本朝省諸縣入瀧水

地理沿革表

形勝
思考山在端溪縣
思容水
思會洞在瀧水
高

良山
平定山在端溪
正儀洞在瀧水
靈溪水
碌溪

水在端溪
靈陽山在瀧水
三洲巖在端溪
三昇

石一名三奠石
雲卓洞
雲際山在瀧水
輿地紀勝

集與子避地西康州洞庭相逢十二秋

杜甫

本朝開寶五年廢康州入端州省
悅城晉康都城三縣
入端溪屬端州
尋復置康州
治端溪縣
六年廢瀧州入
康州省
建水鎮南開陽三縣入瀧州屬焉
隆興初德慶

府

沿革表

岩岩清峙指仙洞之宛然皓皓恩波與牂江而

共遠

余崇龜賀余守

居東廣之上游為中興之潛邸

同上

英德府

倚郭一外縣一

真陽

浚光

郡號臯石

浚光

真陽

府沿革牛女分野春秋百越地戰國屬楚秦南海郡地

漢屬桂陽郡吳屬始興郡梁立衡州及陽山郡隋廢郡

改涇州州廢屬廣州復涇州貞觀州廢屬廣州立南漢

地理沿革表

沿革表

縣沿革真陽本漢桂陽郡湏陽縣吳以後屬始興隋省
入曲江後復置曰真陽唐初屬涇州貞觀復曰湏陽屬
廣州南漢英州治此 滄光本漢桂陽郡含涇縣吳以
後屬始興梁治衡州陽山郡隋改涇州州廢屬廣州唐
置涇州治此州廢屬廣州本朝改今名來屬

地理沿革表

形勝銀山在真陽有銀江 琅溪在縣南 通天岩碧
落洞在州西相去二三里 涵暉谷有飛霞嶺棲雲洞
潛靈洞晞陽島夢弼岩在州南鳴絃峰下真陽峽在真

陽東南 芙蓉山在州西 蓮花峰在鳴絃峰前 桃

花洞在含暉谷後 娥眉岡熊耳嶺皆在滄光

輿地紀勝

人物皇朝石汝礪問學淹該 馮安上父子登科 鄭

敦義知潮陽上書極論市翠羽黃牛革事詔轉一官

鄭準劉緯入元祐黨籍 吳其妻譚氏守節罵賊而死

輿地紀勝

本朝宣和三年賜名真陽郡

會要

今為英德府

沿革表

乾興

元年改湏陽曰真陽為英州治 開寶四年改廣州含

暉為滄光縣隸連州六年來屬

並同上

越林多蔽天黃柑

襟丹橘萬室通釀酤撫遠無禁律醉去不須錢醒來弄

琴瑟

梅堯臣

郡官不患無供給支與真陽幾石山

楊誠齋

昔

仙風冉冉數千載碧落之洞天今佳氣葱葱五百年潛

龍之福地

徐相賀王守

惠州

倚郭一外縣三

歸善

河源

博羅

海豐

郡號博羅

海豐

寅山

河源

州沿革星紀之次春秋百越地以後屬南海郡宋秦齊

屬南海東莞二郡隋立循州大業州廢立龍川郡唐武德曰循州天寶曰海豐郡屬嶺南道漢改禎州別立循

州於北境

地理沿革表

縣沿革歸善本漢南海郡博羅縣地宋置歸善縣隋立循州及龍川郡治唐析置龍川縣貞觀省入南漢改禎州治此河源本漢龍川縣地齊置河源縣隋屬循州又省新豐縣開皇改曰休吉大業省入唐武德析置石城縣觀省入南漢屬禎州博羅縣屬漢南海郡隋

屬循州唐析置羅陽縣貞觀省入南漢屬禎州 海豐

宋初置縣屬東莞郡隋置循州唐武德析置陸安縣

觀省入南漢屬禎州

地理沿革表

形勝羅山在博羅 浮山云是蓬萊一島堯時洪水浮

來合而為一故名羅浮有聚霞峰飛雲壇錦秀峰金沙

洞璫瑁山瑤石臺香峰亭鉢孟峰刀子峰石臼洞阿耨

池羅漢岩佛迹岩通天岩會仙峰拋毬峰黃龍洞碧雞

山朱明洞凡四百三十二峰係第七大洞天 豐湖在

郡城西有點翠溪漱玉灘平遠臺孤嶼亭平湖閣荔枝

圃鰲峰亭

興地
紀勝

人物皇朝古初之國初充賦

梅蟠擢元豐第 張宗

鄉紹興以春秋魁多士

興地
紀勝

集君言羅浮上容易見九垓漸高元氣壯洶湧來翼身

夜宿最高峰瞻空浩無隣海黑天宇曠星辰來逼人

劉禹

錫

本朝天禧五年改禎州為惠州治歸善

沿革表

浮山若鵬

蹲忽展垂天羽

東坡

羅浮山下四時春
盧橘楊梅次第新

日啖荔枝三百顆
不妨長作嶺南人
赤魚白蟹筋屢

下黃柑綠橘遵常
加糖霜不待蜀客
寄荔枝未信閩人

誇

並同

近聞更有豐湖好
環匝亭臺映洲島
野叟忘機

鷗鷺閒寒潭無浪
蛟龍老

楊無為

廣南東路

循州

倚郭一
外縣二

龍川
興寧

長樂

郡號龍川
興寧
曲寧
長樂
海豐

州沿革星紀牽牛之次春秋百越地戰國楚地秦以後
南海郡龍川縣地晉穆帝分屬永平郡宋齊南海東莞
二郡隋屬循州州廢屬龍川郡唐屬循州南漢改循州
為潯州而析州之北境別立循州於此

地理沿革表

縣沿革龍川秦以後屬南海郡晉穆帝置雷鄉縣屬永
平郡宋以後屬東莞郡廢雷鄉隋屬循州開皇省入河
源縣唐天授置雷鄉縣屬循州南漢改龍川縣置州治
此興寧本龍川縣地晉置興寧縣屬東莞郡隋屬龍

川郡唐屬循州貞觀省齊昌縣入焉 長樂本興寧縣

地本朝析置

地理沿革表

形勝龍川昔有龍穿地而出即穴流泉因以名縣 蚌

湖鴈池在興寧 白鹿山在龍川有白鹿洞 龍潭鰓

湖在龍川 白雲洞在州北 白石巖在興寧 白鵬

山在州北 霍山在龍川東峰巒凡三百六十按山在

州正南 石樓峰在霍山 石泉井在龍川

輿地紀勝

人物唐韋昌明隱羅浮山 五代羅孟郊官至翰林郎

屋數間曰翰林堂旁有池號羅公滌硯池

輿地紀勝

集越井遺封尉陀舊壤

李義山

龍川平海牛嶺參

同上

本朝國初曰海豐郡宣和改博羅郡 熙寧四年置長

樂縣紹興六年省十九年復 宣和三年改龍川為雷

鄉縣紹興復故

沿革表

尉陀城下雨重陽白酒黃雞意自

長子昔我遷龍川不見平生人傾囊買破屋風雨茆病

身頽然一道士野鶴墮雞羣飛鳴閭巷中稍與季子親

前人贈

曉登丞相嶺暮宿翰林堂

李中定

連州

倚郭一
外縣二

桂陽
陽山

連山

郡號湟水

熙平

連山

陽山

小桂

州沿革翼軫分野禹貢荊州之域春秋百越地戰國屬楚秦長沙郡南境漢屬桂陽郡吳晉屬始興郡宋明帝立宋安郡後廢屬廣興郡齊復置始興郡梁立陽山郡隋置連州大業改熙平郡唐武縣復連州天寶曰連山郡屬江南道五代初入馬氏後入南漢

沿革表

縣沿革桂陽縣屬桂陽郡吳以後屬始興梁置陽山郡

隋唐連州治 陽山本漢陽山侯國屬桂陽郡東漢省
之晉復置縣屬始興郡宋屬廣興梁屬陽山郡隋屬熙
平郡唐屬連州 連山本桂陽縣地梁武帝析置廣惠
縣隋開皇改廣澤屬連州仁壽改今名

沿革表

形勝桂嶺在桂陽縣北 桂水出於桂嶺 潮泉在桂
陽與潮候相應 乳穴凡三十七所柳文有乳穴記

桂林山在桂陽相靈山 桃泉山二桃水源所出龍宮
灘韓文有詩 鷺崗山在桂陽 巍峩山在連山 安

樂水在陽山 靜禪山在桂陽北廖真人於此上昇地

勝紀

集陸有丘陵之險虎豹之虞水有江流悍急橫波之石

廉利倅劍戟舟上下失勢破碎淪沒者徃徃有之

韓文送區

冊序

出宰山水縣讀書松竹林

韓詩

哀猿醒俗耳清泉潔塵

襟青竹時默釣白雲日幽尋

同上

剡中若問連州事惟有

青山盡不如

劉夢得

連州何連連接天碧岑峯

孟郊

南連衡

岳其清粹秀爽之氣鍾為勝槩賢傑繼出

關

退之

雄文露天巧夢得清新揮秀格迄今聲名三百年文字

山川相輝赫

前人

潮州

倚郭一
外縣二

海陽
潮陽

揭陽

郡號潮陽 鳳城 鰲渚 揭陽 海陽 義安

州沿革牽牛分野禹貢揚州之域春秋七閩地戰國越人所居秦南海郡地漢初屬南越後南海郡晉東莞郡安帝分立義安郡梁立東揚州改曰瀛州陳廢之隋立潮州大業徙為義安郡唐武德曰潮州天寶曰潮陽郡

屬嶺南道五代南漢據之

地理沿革表

縣沿革海陽本漢南海郡揭陽縣地晉屬南海縣為義安郡治隋郡縣俱廢後復海陽縣置潮州潮陽本漢揭陽縣地晉安帝分東莞郡置潮陽縣屬義安郡隋屬海州唐未微省之先天復置揭陽縣漢屬南海郡晉廢之

本朝復置

地理沿革表

形勝韓山與州治相對

岡

山在潮陽東吳在韓山

後西霸紫遶於州之太平橋下

鳳水在鳳凰山下

鯉溪舊名惡溪韓文公為文逐鯉魚處 九侯山在海

陽

閩

子山在揭陽 桑浦山與州相對 梅溪水在

潮陽

閩

亭在州治韓木邦人視其花之繁稀以卜登

科之祥

輿地紀勝

人物唐趙德韓文公置鄉校命之為師 皇朝林異應

材識無茂科以忤權貴有司不敢收 林從周登進士

其族列於衣冠者十七人 許由其族為文武官者總

三十八人

吳復古道之士

陳希伋經明行脩舉第

一人

典地
紀勝

集惡溪瘴毒聚雷霆常洶洶鱷魚如大船牙眼怖殺儂

韓州南數十里有海無天地颶風有時作掀掀真差事

同上

本朝宣和六年析海陽縣光德太平懷德三鄉置揭陽

縣

沿革表

潮陽山水東南奇魚船城郭民雍熙當時為撰

玄帝碑而今風俗鄒魯為

陳文惠公

休嗟城邑住天荒已得

仙枝耀故鄉從此方輿載人物海邊鄒魯是潮陽

前人送王

生及第

梅州

倚郭一

程鄉

郡號程江

西陽

程鄉

敬州

州沿革牽牛之分禹貢揚州之域春秋七閩地戰國屬越秦南海郡地漢初屬南海郡晉初屬東莞郡後屬義安隋屬潮州大業屬義安郡唐屬潮州南漢立敬州本

朝改梅州

地理沿革表

縣沿革程鄉本揭陽縣地南齊初置縣屬義安郡隋省

復置屬潮州南漢於此立敬州

沿革表

形勝程江在州西北七十里 曾井泉甘而冷能愈瘴

疾 東岩西岩在州左右 聳翠峰在州南西陽山西

陽水在程鄉 百花洲在城南兩水間識云百花洲尾

齊州前此地出狀元

輿地紀勝

人物程蛟不知何代人為鄉里所推重 古成之登雍

熙第

輿地紀勝

本朝開寶四年改敬州曰梅州熙寧六年廢以縣入潮

州元豐復置治程鄉縣宣和為義安郡

沿革表

程皎當年

一匹夫不操三尺正羣愚片言能使爭心息萬里江山

性與俱

徐度

市小山城寂船稀野渡忙金暄梅蕊日玉冷

草根霜

楊萬里

一行誰栽十里梅下臨溪水恰齊開此行

便是無官守只為梅花也合來

同上

新州

倚郭一

新興

郡號新寧 新昌 新口封水 龍水

州沿革星土同廣州春秋百越地秦屬南海郡漢屬合

浦郡晉屬蒼梧郡穆帝分立新寧郡梁立新州隋廢郡
大業廢州屬信安郡唐武德復新州天寶曰新昌郡後
改新興郡屬嶺南道五代屬南漢

沿革表

縣沿革新興本漢合浦郡臨允縣地晉穆帝置新寧縣
後改新興宋置義寧縣屬新會郡梁立新州於新興縣
隋義寧屬廣州大業新州廢以新興屬信安郡又有索
盧縣省入焉唐新興為新州治武德析置索盧縣新昌
單牒永順四縣後省新昌單牒乾元又省索盧義興屬

廣州本朝省永順義寧入新興

地理沿革表

形勝天露山在州東南甲於諸山之上 雲秀山在州

東 寶蓋山在州西 寶冠山在州東南 寶峰山瑞

峰山在州北 思龍山思龍水在城南 疊蛇山在信

安西南 金山銀山在信安 鐵嶺在州西北 錦山

在州南

輿地紀勝

集海虛爭翡翠溪邏鬪芙蓉

許潭

波渾未辨魚龍迹霧暗

寧知蚌鷸心夜傍歸舟望漁父一溪風雨兩岩陰

同上

本朝開寶五年省永順縣入新興又省義寧六年復置

太平興國改義寧曰信安熙寧省入元祐復置紹聖省

為鎮

沿革表

仁義橋邊楊柳斜洗亭岡畔種桑麻龍山水

繞祖師塔夏院雲埋宰相家十仙園裏尋常到恰似桃

源一洞花

蔡持正

封州

倚郭一外縣一

封川開建

郡號封溪

南靜

臨封

封川

州沿革星紀之次春秋百越地秦南海郡地漢蒼梧郡

地晉穆帝分屬晉康郡梁分立梁信郡及成州隋改封州大業為蒼梧郡唐武德立封州天寶臨封郡屬嶺南

道五代南漢據之

地理沿革表

縣沿革封川本漢廣信縣為蒼梧郡治東漢交州刺史治晉蒼梧晉康郡梁為梁信郡治梁信縣又置封興縣隋改封川大業省封興入焉為蒼梧郡治唐為封州治武德復置封興後省之開建本漢蒼梧郡封陽縣地吳屬臨賀郡宋分置開建縣立宋建郡郡廢屬臨慶國

梁立南靜郡隋廢郡屬連州後省之唐武德復置開建

來屬

沿革表

形勝東山去城一里 西山州治隔江 忠讜山在開

建北忠讜水出焉 豐壽山在州東 靈溪在州北

靈洲在封川西 澤錦山月臺山蟠龍山在坊場鄉

風溪水在州南 金鏤村有莫狀元讀書堂有龍吟水

麒麟山白馬山在州東

輿地紀勝

人物漢陳欽治左氏傳 唐莫宣卿狀元登第 南漢

劉隱起封州據有南海

同上

本朝開寶五年省開建縣入封川六年復置

沿革表

秋冬

三釀酒風景四時花守官員吏隱惟放日高衙

田開

嶺中

蕉子國海上荔枝莊民有百年壽家存十歲糧

東山

畫屏展北阜翠蚌馴我愛臨封好從來禮義鄉

並同上

垣墉角占樓臺近城郭心藏洞府深

方維

南雄州

倚郭一外縣一

保昌始興

郡號保昌大庾溱水

州沿革牛女之分春秋百越地戰國屬楚秦南海郡地
漢屬豫章郡吳屬始興郡宋改廣興郡齊復曰始興郡
陳屬東衡州隋屬廣南海郡唐屬韶州南漢立雄州
表

沿革

縣沿革保昌唐析始興縣置湏昌縣屬韶州南漢為雄
州治 始興本漢豫章郡南野縣治又雲南海縣治吳
屬南康郡孫皓分置始興縣屬始興郡一雲置斜階縣
齊改縣曰正階梁復曰始興立安遠郡陳置東衡州隋

廢郡屬廣州唐屬韶州本朝來屬

地理沿革表

形勝桂山在始興多桂樹梅庾即大嶺又有小庾嶺

龜湖山在城南東龍泉井在州北丹鳳山在始

興縣西霹靂泉在庾嶺大鑒禪師卓錫遺迹玲瓏

岩在始興縣南仙女岩在州東北羅漢洞在州東

天桂峰在始興縣西脩仁水在城南斜階水在

始興縣南

輿地紀勝

人物皇朝鄧戒鄧闢兄弟聯名登科顧希甫及其子

襄相繼登第

譚渙舉八行

馮應之入元祐黨籍

地輿

勝紀

本朝開寶四年以河北有雄州如南字又避諱改涇昌

為保昌縣以韶州始興隸焉

宣和二年為保昌郡

沿革

表

集凌江清淺遶城流庾嶺南邊第一州惟有梅花傳遠

信只憑萱草緩離憂

章傳象

嶺分東越封疆闊天限中原

氣象雄

李公寅

魚躍元無溪面凍雪光散作嶺頭梅

郭祥正

恩州

倚郭一
外縣一

陽江

陽春

郡號南陵

陽春

恩平

西平

杜陵

富林

州沿革斗牛之分春秋百越地秦屬南海郡漢屬合浦
郡吳屬吳興郡齊立齊郡梁立桂嶺陽春二郡隋廢郡
屬高州後屬高涼郡唐武德立春州又析置勤州貞觀
立恩州天寶改恩州曰恩平郡春州曰南陵郡勤州曰
雪浮郡並嶺南道本朝廢勤春二州

沿革表

縣沿革陽江本漢高涼縣地晉海安縣地又西平縣屬

高興郡後省之齊分立齊安郡及縣梁又置杜陵縣入
杜陵郡隋廢二郡以縣屬南州開皇改齊安曰海安杜
陵曰杜原大業置陽江縣唐武德又置西平縣改海安
曰齊安杜原曰杜陵貞觀以西平隸思州以齊安杜陵
來屬至德改齊安曰恩平大順徙治恩平番西平入焉
後又徙治陽江縣本朝併省恩陵杜陵二縣 陽春本
漢高涼縣允吾縣地宋於允吾地置龍潭縣後改銅陵
梁於高涼地立陽春郡陳增置陽春縣隋陽春屬高涼

郡銅梁屬信安郡唐武德以陽春置春州及流南西城縣又以銅陵置勤州及富林縣天寶又置羅水縣屬春州省西城縣本朝廢勤春二州併省其縣

沿革表

形勝鸞山在陽春 鵠山在羅水縣界 羅領山羅琴山在陽江 羅黃山羅鳳水在陽春 翠鳥山在陽江 金雞石在州西北 龍龜山為南服之冠 鳳凰山有鳳凰巢其上或云此州穴也 鸚鵡山在縣西南 崑崙山在古杜陵縣北崆峒山出石乳 石林有自然

樓臺

興地
紀勝

本朝開寶五年廢勤春二州省恩平杜陵二縣入陽江
省富林入銅陵以羅水流南二縣來屬六年省流南羅
水入陽春尋復置春州以陽春銅陵二縣屬焉祥符廢
春州以縣屬新州天禧復春州慶厯恩州加南字熙寧
又廢春州以陽春來屬而省銅陵入焉

沿革
表

集井邑峰巒疊郡城新臺高峙見南溟海濶震蕩連空

白星瀆朝宗徹底清

知郡
游公

山為翠濤湧潮拓碧天開

胡
澹

庵
西山排闥來周遭似翠環初疑金谷嶺元是鉄坑山
人言茲地惡我愛碧孱顏 茲地山皆石他山盖不如
固非從此出疑是補天餘下漏一拳小高凌千級虛竒
章應未見名不到中書

並同上

桂州

倚郭一
外縣九

臨桂
興安

靈川

陽朔

荔浦

永福

脩仁

理定

義寧

古縣

靜江軍節度 廣西經略安撫司轉運司

提刑司提舉司

郡號桂林 桂府 始安 桂州 臨桂

郡沿革翼軫之分鷄尾之次禹貢荊州之域春秋百越
地戰國屬楚秦屬桂林郡漢屬零陵蒼梧二郡吳立始
安郡宋明帝改始建國齊復梁無立桂州大業復始安
郡唐立桂州為大都督府屬嶺南道天寶曰始安郡天
順升靜江軍節度五代入楚馬氏後入南漢

沿革表

縣沿革臨桂本漢零陵郡始安縣吳始安郡治梁桂州
治唐析始安縣置福祿純化二縣貞觀省福祿更始安

曰臨桂永真更純化曰恭化後唐更慕化本朝省入臨
桂興安本漢始安縣地唐武德析置臨源縣大厯改
全義石晉時馬氏奏立溇州改縣為德昌後復曰全義
本朝廢溇州更今名靈川本漢始安縣地唐龍朔析
置陽朔本漢始安縣地梁初析置唐屬桂州武德置
歸義縣正觀省入荔浦漢置屬蒼梧郡吳屬始安郡
仍析置永豐縣梁廢之唐武德立荔州又分陽朔置永
豐縣屬昭州正觀廢荔州以荔浦永豐屬桂州長慶更

永豐曰永後梁又改永寧本朝省入荔浦 永福本漢

始安縣地唐武德析置 脩仁本漢荔浦縣地吳置建

陸縣屬蒼梧郡宋末屬始建國齊梁陳屬始安郡隋屬

桂州唐武德屬荔州貞觀立晏州州廢來屬長慶更今

名 理定本漢始安縣地隋置興安縣大業省唐武德

復置又置宜風縣貞觀省之至德改興安曰理定 義

寧本漢始安縣地石晉析臨川初置 古縣本漢始安

縣地唐乾寧析置恭化

地理沿革表

形勝堯山在城東北 舜山在城北 桂林一名八桂
又名八柱言八桂成柱也 桂水又名桂江 荔水一
名荔江 灘山在城南居灘水之陽 獨秀山在城西
北 七寶山在南沙阿林 龍蟠山在興安 龍隱岩
在水東七星山 龍門山在陽朔 鳳巢山在永福
白龍洞在南溪 白鶴山在陽朔有白鶴洞 繡山洞
在新林驛北 丹崖峰金泉山在陽朔 銀江水在靈
川 棲霞洞在七星峰下 凌霄峰在陽朔 隱山六

洞曰朝陽夕陽平華北牖嘉蓮白雀

輿地紀勝

人物王世則中進士第一淳化中以言儲貳謫象州

輿地

勝紀

集我所思兮在桂林欲往從之兮湘水深

張衡賦

南州寶

炎德桂樹凌寒山

五嶺皆炎熱宜人獨桂林

桂詩

城窄

山將壓江寬地共浮西南通絕域東北有高楼神護青

楓岸龍移白石湫

李商隱

蒼蒼森八桂茲地在湘南江作

青羅帶山如碧玉簪戶輸多翠羽家自種黃柑

韓文

山水

衙門外旌旗樓堞中

白居易

遙聞桂水遶城隅城上江山

滿畫圖為問訾家州畔月清秋擬許醉狂無

趙擬

碧桂水

連海蒼梧雲滿山

楊衡

本朝紹興以潛藩升靜江府

嘉祐六年省慕化縣

入臨桂 乾德元年廢溇州以全義縣來屬太平興國

改興安縣

熙寧四年省永寧縣入荔浦為鎮元祐復

紹聖省入熙寧四年省修仁縣入荔浦元豐復 大觀

二年以古縣屬融州三年復隸

沿革表

集桂嶺花光紛似雪荔江波色綠於苔

張謨詩

舊色掃

開浪拍霧新詩裝就桂林春相離水色秋前老獨秀嵐

光霽後勻

陶弼

青羅江水碧連山城在山光水色間

同上

朝

遊七星岩暮上千山觀東西兩奇絕勢略嶺海半

張孝祥

桂林二十四岩洞杖屨十年供醉遊

姚宋佐

山接衡湘多

勝記湖如杭穎共佳名

同上

容州

倚郭一外縣二

普寧

北流陸川

寧遠軍節度

郡號容管 普寧 繡城 容州 銅州 南流

州沿革星紀牽牛之次春秋百越地秦屬象郡漢屬南越後屬合浦鬱林二郡東漢屬合浦郡宋置南流郡後廢之隋為合浦水平二郡唐武德立銅州貞觀改容州天寶曰普寧郡屬嶺南道南漢升寧遠軍額

沿革表

縣沿革普寧本漢合浦郡合浦縣及鬱林郡阿林縣地晉為阿林縣梁置陰石縣及郡隋廢郡改陰石曰奉化又置安民縣尋改寧民又改奉化為普寧並屬永平郡

阿林屬鬱林郡唐武德普寧屬永州又分置渭龍縣貞觀改寧民為欣道來屬元和州徙治普寧先是武德析阿林縣置吊林羅二縣置林州六年改繡州天寶曰常林郡本朝并省入普寧北流本漢合浦縣地隋初置縣屬合浦郡唐武德置銅州治此又分置陵城縣又武德置扶萊縣屬賓州又置羅辨縣屬羅州乾封以二縣置東莪州總章改禺州置莪石縣天寶曰溫水郡本朝并省入北流陸川本漢合浦縣地隋開皇初置縣唐

開元來屬又武德置龍化河南二縣屬羅州又置龍豪
溫水二縣屬田州後龍化屬辨州溫水屬禺州大厯以
四縣置順州天寶曰順義郡本朝並省入陸川

沿革表

形勝金山在陸州 繡江在普寧都嶠山第二十小洞

天 白石山第二十一小洞天 勾漏山第二十二小

洞天 牛峰山在普寧 鶴洞山龍化水在陸川 都

寶山在普寧 太容山在州西北 鳴石山嵯石山在

陸川 本石山在普寧

輿地紀勝

集容州幾十里直傍青天崖

賈島

池北含烟瑤草短萬松

亭下清風滿

劉夢得

普寧都護軍威重九驛梯航塞要津

十二銅魚尊畫戟三千崖角擁朱輪

陳陶贈韋中丞

遠慚勾漏

令不得問丹砂

杜詩

鷗鳥衝龍浪犀渠拂嶺雲

杜牧之

本朝開寶二年廢繡禺順三州入容州省渭龍欣道二

縣又廢繡州常林阿林羅繡三縣並入普寧省陵城縣

入廢禺州戕石扶萊羅辯三縣並入北流又廢順州龍

化溫水河南龍豪四縣入陸川

沿革表

浪經蛟浦閩山入

鬼門寒

歐陽公

天涯已慣經人日歸路猶欣過鬼門

東一坡

年勾漏守尋盡洞中天佛記盧藏用仙壇葛稚川醒心

西掖水燒眼碧池蓮我豈無新事詩碑與酒泉

陶淵明

問津

勾漏山散策寶圭洞羣峰羅翠屏環合無缺空石盤與

丹竈遺迹可捫弄

李忠定

邕州

倚郭一外縣一

宣化武緣

建武軍節度管内安撫都監

郡號永寧南晉宣化晉興邕管

和山

州沿革星紀牽牛之次古越地秦屬桂林郡漢屬鬱林
郡東晉分置晉興郡隋廢郡屬尹州大業屬鬱州鬱林
郡唐武德立南晉州貞觀改邕州天寶曰朗寧郡屬嶺
南道南漢升建武軍節度

沿革表

縣沿革宣化本漢領方縣地晉置晉興郡隋廢為縣尋
改宣化縣唐為州治武德析置朗寧縣又置如和縣屬
欽州景龍來屬乾元開山峒立思籠縣本朝並省入宣
化武緣本漢領方縣地晉置晉興縣隋置武緣縣屬

尹州廢晉興大業又廢武緣唐武德並復置乾元開山

峒立封陵縣本朝並省入武緣

沿革表

形勝道人山在城東三百里 公母山在左江永平寨

之東 崑崙山在宣化縣東有崑崙關 鎮鄒山在武

緣縣南 銅柱漢馬援所鑄 銀筓仙人所遺人或上

山觀之則失其處及下則復見之 武號山在城南

都龍山在州西北 羅秀山在宣化縣北

輿地紀勝

人物皇朝石鑑舉進士說諸蠻不附儂智高有功同

集龍約海船行有力象隈銅柱卧成痕沈彬分野窮禹畫

人烟過虞循

劉夢得

本朝開寶五年省朗寧思籠二縣入宣化省封陵入武

緣更晉興曰樂昌 景祐二年省如和入宣化省樂昌

入武緣

地理沿革表

璽書行絕域銅柱入中原

陶弼

玉簪峰頂

共登仙銅柱溪頭再得賢 深入儂黃左右溪溪邊得

比歲寒枝 五十溪洲五寨城廣宣恩詔諭蠻情 少

希銅馬式老厭玉門關

並同上

再獲金城之固幾還銅柱

之封

狄武襄表

宜州

倚郭一
外縣四

龍水

忻城

天河

思恩

河池

郡號宜山

龍水

龍江

忻城

粵州

州沿革粵地牽牛分野秦屬象郡漢屬鬱林郡唐置粵

州天寶改龍水郡乾元曰粵州乾符改宜州

沿革表

縣沿革龍水唐興州同置及置崖州東甌二縣後省之

乾封置洛封縣屬柳州元和改曰洛曹本朝省入龍水

忻城秦屬象郡唐羈縻之忻州領五縣歸思州領五

縣紆州領六縣本朝並省入忻城 天河唐與州同置

思恩唐貞觀開生蠻置環州及思恩縣本朝廢州以

縣來屬 河池本朝羈縻智州本朝來屬

沿革表

形勝日山在城東 月山在城西 三元坊以馮京殿

省解俱第一 四賢堂取馮京黃山谷趙清獻呂兗公

以名之 高峰山陸猿仙所隱 疊石山在思恩縣

龍德山在天河縣西 鷺溪水在河池縣南 馬山溪

在河池縣西

輿地紀勝

人物皇朝馮京解殿三元 何旦與東坡遊 區革與

山谷遊

同上

本朝慶厯三年廢芝忻歸恩紆三州入宜州以其十六
縣地併入忻城來屬 淳化元年以柳州洛曹縣來屬
嘉祐省之熙寧廢懷遠軍古陽迷昆二縣入龍水宣和
改曰宜山後復故 大觀三年以天河縣屬融州後復
故 熙寧八年廢環州以思恩縣來屬徙治帶溪寨省
鎮寧州禮丹縣入焉元豐復舊治 治平二年以智州

卷十五
河池縣來屬又省富刀縣入焉

沿革表

青山通象郡白

浪下靈渠

陶弼

融州

倚郭一外縣一

融水懷遠

清遠軍節度

郡號融水

羅水

融江

清遠

州沿革牛女之分或曰翼軫春秋百越地秦屬桂林郡漢屬鬱林郡吳晉屬桂林郡齊置齊熙黃水二郡梁置東寧州隋開皇改融州大業廢之屬始安郡唐復融州

天寶曰融水郡屬嶺南道五代地入南漢

沿革表

縣沿革融水本漢鬱林郡潭中縣齊置齊熙縣及郡又置臨牂黃水二縣隋改齊熙曰義熙大業省二縣入焉屬始安郡唐武德置州析置臨牂黃水安修三縣六年改義熙曰融水貞觀省安修天寶省黃水臨牂置武陽本朝省入懷遠懷遠本朝初置

同上

形勝丹溪在融水西清潭在州南真仙岩在州南五里老人岩在城西五里靈壽溪本老君以丹投

水中飲此者得壽 仙女山近朱欄鋪 朱砂山玉華

洞在融水西北 玉江水在懷遠縣西 寶溪水在融

水縣界

銅鼓山石門山並在城西

興地紀勝

本朝政和二年升清遠軍節度 開寶二年分桂州珠

川峒地置羅城縣熙寧省羅城武陵二縣入融水 紹

興四年廢平州為王口寨役於此置懷遠縣

沿革表

集溪僧過此說山公遊遍真仙洞府中乳石崖迢得靈

草可能封裹寄山翁

陶弼

融水與區潭中舊壤山居谷聚

控並海之蠻夷地大物荒據列城之襟帶陸軍額制詞

象州

倚郭一外縣二

陽壽來賓

武僊

象郡防禦

郡號陽水 建陵 陽壽 象山 鬱水

川沿革翼軫鶉尾之次春秋百越地秦屬桂林郡漢屬

鬱林吳晉屬桂林陳置象郡隋為象州後屬始安郡唐

武德復象州天寶曰象郡屬嶺南道五代地入南漢

沿革

表

縣沿革陽壽本漢潭中縣地吳分立桂林郡陳立象郡
置陽壽淮陽二縣隋開皇改淮陽為陽寧大業省入陽
壽又有西寧縣省入桂林縣唐武德置州析桂林置武
德西寧二縣又置武化縣屬封州又置長封與武化並
屬晏州州廢來屬後省西寧武德長封三縣貞觀治武
化大厯治陽壽南漢廢武化來賓本漢中留縣地唐
乾封置來賓縣及嚴州又置歸化縣天寶改州為循德
郡本朝並省入來賓武僊本漢中留縣地隋置桂林

縣屬始安郡唐武德析置武僊縣乾封省桂林入焉

沿革

表

形勝象山在陽壽 鹿山在陽壽上有鹿池 龍洞在

來賓 仙岩在武僊 靈泉在陽壽 聖塘去城百里

石山高峻人莫能登 金峰山在來賓 鉄峽山銅鼓

山皆在武僊 六祖岩在西山寺後 八德泉在報恩

寺 仙人山在武僊 仙女岩去城七十里

輿地紀勝

人物皇朝栗大用應童科 謝洪謝澤兄弟篤學

集青海上無城郭惟有松排出象州

張籍

本朝開寶七年廢嚴州入象州省歸化縣入來賓元

祐元年復置武化崇寧廢入陽壽

沿革表

集象郡雖云遠王郡各有宜踈梅香度水瘦竹筍穿籬

坐待百卉芳春風無四時

王安中

誰云嶺外皆炎熱此是

西南第一州

趙伯先

地控百蠻疆連五嶺

陸防禦制

顧茲象郡

邈在狼荒

高子美表

建此象臺邈在駱越

前人啓

貴州

倚郭一

鬱林

懷澤郡防禦

郡號西駱

甌越

馬度

懷澤

州沿革牛女之分古荒裔之地春秋西駱甌越之地秦時屬桂林郡漢屬鬱林郡梁置定州後加南字隋改尹州又曰鬱州尋改鬱林郡唐武德立南尹州置總管府貞觀改貴州天寶曰懷澤郡屬嶺南道五代地入南漢

沿革表

縣沿革鬱林本漢鬱林郡廣鬱縣吳改陰平縣晉改鬱

平縣宋析置懷澤縣隋開皇又置馬度縣大業省懷澤
唐置州治鬱平縣復懷澤又置潮水縣改馬度為馬嶺

貞觀省馬嶺天寶復置名義山本朝併省入鬱林

沿革表

形勝東山南山西山北山分峙四面 龍形山在州南

龍腹水在城北 馬嶺山在州西北 龍石山見類

要 文章嶺在舊縣南 宜貴山顯朝岡皆在州北

金箱山在義山鄉北 石室山見類要 雙清閣在州

學南 七星岩在南山

輿地紀勝

人物皇朝梁詔至孝東坡為題其母墓亭額曰甘露林

瑞松坡 俞仲昌高蹈之士

興地紀勝

本朝孝宗升貴州防禦 開寶四年改鬱平為鬱林五

年省懷澤義山潮水入焉

沿革表

集二十四峰尖參差列郡南半空擎梵宇絕嶺寄僧龕

俞括咏南山

白雲來去本無蹤占定仙山四六峰

俞仲昌

試上

高樓望懷澤暮雲千朵碧連天

陳講

昭州

倚郭一外縣三

平樂恭城

立山

昭平

郡號平樂 龍平 昭潭 蒙山 開江

州沿革牛女之分春秋古越地秦屬桂林郡漢屬蒼梧
郡吳屬始安郡宋屬始建國齊以後屬始安隋屬桂州
大業屬始安郡唐武德立樂州貞觀改昭州天寶曰平
樂郡屬嶺南道五代馬氏有之後入南漢

沿革表

縣沿革平樂本漢荔浦縣地吳分置平樂縣屬始安郡
晉穆帝又置永平縣及郡隋廢郡為藤州大業復永平
郡唐平樂為州治永平屬藤州武德置沙亭縣貞觀省

之以永平來屬本朝省永平 恭城唐武德析置平樂

立山隋置隋化縣屬始安郡唐武德增置純義縣並
屬荔州尋改隋化曰立山又置欽政東區二縣以四縣
置南恭州貞觀改蒙州後省欽政天寶改蒙山郡永貞
改純義縣曰正義本朝省諸縣入立山 昭平本漢臨
賀猛陵二縣地梁於臨賀地置南靜郡龍平縣於猛陵
地置開江郡縣又置靜州安樂博勞二縣隋廢二郡增
置開化縣大業廢州並屬始安郡省開江歸化安樂博

勞四縣唐武德以龍平置靜州復四縣尋以開江屬梧
州餘三縣廢貞觀改富州開江來屬天寶曰開江郡又
置思勤縣長慶改開江曰馬江本朝並省入龍平後改

昭平

沿革表

形勝日巖山在平樂甘岩山在恭城古迷山又名

古眉羅浮山在立山銀殿山在恭城玉曰泉在

昭平龍嶽峰在平樂駱雍水在立山昭潭在江

中州名取此

輿地紀勝

人物皇朝周渭國初獻下嶺表之策其妻為莫節婦

韓廻官至太子中舍

興地紀勝

集桂水春猶早昭川日正西虎當官路鬪猿上驛樓啼

李義山

假守昭平郡當門桂水清海遙稀蚌迹峽近足灘

聲

郎士元

峽東江盤天影隨輕船隻下幾危機初晴古木

猿三叫未晚陰崖日半規篁竹數家何處縣清溪一曲

幾篇詩

同上

輸稅地全無菽麥入城人半是漁樵

劉君詩

本朝開寶五年廢富州省永平縣入平樂省馬江忠勤

二縣入龍平來屬 太平興國改正義縣曰蒙山 熙

寧五年廢蒙州省蒙山東區二縣入立山來屬八年以

龍平改屬梧州元豐還屬山 闕

平 沿革表

梧州 倚郭一 蒼梧

郡號桂江 蒼梧 廣信 戎城

州沿革牛女之分百越之地秦屬桂林郡漢屬南越元
帝置蒼梧郡東漢建安置交州治後廢隋改封州大業
屬蒼梧郡唐武德置梧州天寶曰蒼梧郡屬嶺南道五

代初入馬氏後入南漢

沿革表

縣沿革蒼梧本漢廣信縣為蒼梧治又猛陵縣東漢交
州刺史治猛陵屬焉梁置遂城縣又置豪靜縣及武城
縣陳曰逍遙郡隋改廣信縣曰蒼梧屬封州省猛陵入
豪靜屬桂州改遂城曰戎城屬滕州蕭銑增置猛陵縣
唐蒼梧豪靜屬靜州置綏越縣屬賀州後置梧州治蒼
梧以四縣來屬貞觀豪靜綏越光化馬殷以戎城猛陵
屬桂州後又來屬本朝並省入蒼梧

沿革表

形勝火山夜見時如火燒狀 氷井在州東北 繫龍

洲在州七里一名十里洲浮洲 伏虎岩在州東五十

里 思化洲思恨洲在州西 思良山在州北 雙龍

洞在州東北 名賢水在州北

輿地紀勝

人物後漢陳元明左氏春秋 漢之三陳奕世盛以文

學稱 吳之六士一門併為二千石

立城

皇朝潘益罵

儂賊死

輿地紀勝

集隨風舟不定今夜到蒼梧客淚有時有猿聲無處無

周身經火山熱顏入瘴鄉銷沈佺期

本朝開寶五年省猛陵戎城二縣入蒼梧六年復戎城

熙寧省

沿革表

鬱鬱蒼梧海上山蓬萊方丈有無間

東坡九

疑連綿屬衡湘蒼梧獨在天一方孤城吹角烟樹裏落

月未落江茫茫

同上

南極蒼梧郡江山號勝遊海天晴動

水峽月夜隨舟

陶商翁

峽口蒼梧郡城依南斗魁

同上

冰井

有泓開漱玉火山無蹤謾生烟

歐陽

吟拾江邊金翠羽

醉騎海上玉麟腰清談試茗遊冰井至樂觀魚出檻橋

蕭
磬

藤州

倚郭一
外縣一

鍾津
岑溪

郡號感義 永平 岑溪 鍾津 鍾江 古藤

州沿革牽牛之分古百越之地秦屬南海郡漢蒼梧郡
地晉穆帝置永平郡隋改藤州大業復永平郡唐武德

曰藤州天寶曰感義郡屬嶺南道五代地入南漢

沿革表

縣沿革鍾津本漢蒼梧郡猛陵縣地晉置永平郡梁置
安基縣及建陵郡隋增置隋安賀川淳民三縣並屬藤

州唐武德改淳民曰感義貞觀省隋安賀川置鐔津縣
為州治又置寧風縣為驚州置治新樂縣屬焉驚州廢
二縣來屬後省新樂天寶改安基曰安昌至德改義昌
本朝並省入鐔津 岑溪本漢猛陵端溪二縣地陳於
猛陵地置永業郡隋廢為縣屬永熙郡唐武德析置龍
城義城縣又於端溪地置連城縣並屬南義州後去南
字天寶曰連城郡至德改龍城曰岑溪後又省義安本
朝並省入岑溪

同上

形勝 鐔山 劍江在鐔津縣 龍襄水在廢南儀州 龍

形砧在岑溪山形如砧 赤水山白沙灣 鎡山鉛穴

山羅慢山俱在鐔津 秀峰山七峰山俱在岑溪

輿地紀勝

本朝開寶四年廢藤州入賓州五年省感義寧風義昌

三縣入鐔津六年復南義州省永業連城入岑溪太平

興國改南義曰南儀熙寧廢南儀以岑溪來屬

沿革表

集松如遷客老酒似使君 淳繫舟藤城下弄月鐔江濱

江月夜夜好雲山朝朝新

東坡

閉門覓句陳無已對客揮

毫秦少遊正字不知溫飽未西風吹淚古藤州

山谷

潯州

倚郭一外縣一

桂平平南

郡號潯江

潯水

桂平

鬱江

大賓

陵江

州沿革牛女之分古百越地秦屬桂林郡漢屬鬱林郡

一云合浦郡地梁為桂平郡隋廢為縣屬尹州大業屬

鬱州鬱林郡唐置潯州後廢復置天寶改潯江郡屬嶺

南道五代地入南漢

地理沿革表

縣沿革桂平本漢鬱林郡治南山縣又阿林縣地梁置

桂平郡及縣隋開皇廢郡以縣屬南尹州又置宣化縣
後置大賓縣屬藤州大業省宣化唐初大賓改屬南尹
州武德五年屬驚州又置皇化縣屬繡州貞觀又置江
陵縣以四縣置州台桂平尋省江陵本朝並省入桂平
平南本漢猛陵布山三縣地宋于猛陵置武林縣屬
永平郡隋屬藤州又分置隨建縣唐武德置大川縣屬
驚州貞觀置平南西平歸正大同四縣並武林泰川置
龔州以隨建來屬後省泰川歸正太平又置陽建尋改

陽川屬焉天寶曰臨江郡永隆又析龔蒙象三州地置
思唐州及武郎平原二縣長慶改平原曰思和五代石
晉改思唐曰思化南漢復舊龍州為南漢所有本朝並

省入平南

地理沿革表

形勝潯江在桂平縣北鬱江在州南羅影山羅葉

水羅繡墟銅鼓灘玉泉臺皆在桂州鳳巢山獅子岡

在州西龍門灘在潯江石鶯山在舊龔石鹿山

在桂平獨秀峰在州南白石山側三清岩在西山

包髻岡在州五里 橫眉水在桂平

輿地紀勝

人物五代梁嵩南漢狀元因蠲丁賦郡人立廟今白馬

廟是也

皇朝陳坦然平賊有功

同上

本朝開寶五年廢潯州入貴州改思化州曰思明尋廢

之省思和縣入武郎屬龔州省皇化大賓二縣入桂平

六年復置潯州省武林隨建大同陽川四縣入平南嘉

祐又省武郎入焉紹興廢龔州以平南來屬

沿革表

集三里之城渺大荒兩江橫截壯金湯唐家設險今猶

在聖代增陴慮更長

廖德明

孤鶩去遶天浩渺萬家窮處

水灣環嶺外此州為道院風烟殊弗類南蠻

同上

柳州

倚郭一外縣二

馬平

洛容

柳城

郡號羅池

龍城

柳城

象縣

隴江

柳江

州沿革牛女之分古百越地秦屬桂林郡漢屬鬱林郡

吳以後屬桂林隋置象大業廢屬始安郡唐武德立昆

州又改南昆貞觀改柳州天寶曰龍城郡屬嶺南五代

地入南漢

沿革表

縣沿革馬平本漢潭中縣地吳屬桂林郡隋析桂林縣
地置馬平縣屬象州州廢屬始安郡唐為柳州治武德
又置新平文安縣尋改文安曰樂沙正觀省之又置崖
山縣後並省入馬平 洛容本漢潭中縣地宋置象郡
隋廢為象縣屬始安郡唐正觀置洛容縣永徽屬嚴州
天授屬柳州總章象縣來屬本朝省之 柳城本漢潭

中縣地梁置龍州龍城縣隋廢州以縣屬始安郡唐復
龍州增置柳嶺縣正觀廢龍州省柳嶺以龍城來屬本

朝更今名

沿革表

形勝古州治在潯水南有雙山夾道曰背石山有支川
其東曰龍壁下多秀石可觀南絕水有山上下若一曰
甌山其南且西曰駕鶴山南有山正方而崇曰屏山其
西曰四姥山又西曰仙弈之山始登者得石可秤可弈
石魚山金石其形如立魚靈泉在山麓雷鳴西奔雷山
兩崖皆東西雷水出焉舊崖中曰雷塘

柳子厚山水紀

人物唐白聳敗賊有功邦人為之立祠 皇朝宋士堯

與儂智高戰 甘翔為嶺右擢第之始 張亞卿兩擢

第

典地紀勝

集鷺之山兮柳之水桂樹團團兮白石齒齒

韓文

柳州柳

刺史種柳柳江邊好作思人樹慚無惠化傳

柳文

山城雨

過百花盡榕葉滿庭鶯亂啼 青箬裹鹽歸洞客綠荷

包飯趁虛人鷺毛禦臘縫山罽雞骨占年拜水神 林

邑東回山似戟牂牁南下水如湯 山腹雨晴添象跡

潭心日暖長蛟涎 驚風亂颭芙蓉水密雨斜侵薜荔

牆嶺樹重遮千里目江流曲似九回腸

並同上

本朝景德三年改龍城縣曰柳城大觀屬融州尋復故

嘉祐四年省象縣入洛容

地理沿革表

人事少陵詩外見

人烟子厚記中行

英約

鷺山夏曉雲漫郭龍壁春陰水抹

川

陶弼

子厚才名甲有唐謫官分得荔枝鄉羅池水盡黃

柑死獨有空碑在畫堂

同上

賓州

倚郭一外縣二

霜方遷江

上林

郡號嶺方思干

瑯瑯

澄州

思剛

安城

州沿革牛女之分或曰翼軫古越地秦屬桂林郡漢屬鬱林郡梁置嶺方郡隋廢屬尹州大業屬鬱州鬱林郡唐貞觀置賓州天寶曰安城郡屬嶺南道

沿革表

縣沿革嶺方縣漢屬鬱林郡都尉治又廣鬱縣地梁置郡治此又於廣鬱地置安城郡隋廢郡以嶺方安城二縣屬鬱林郡唐武德屬南方州仍置瑯琊思干二縣貞觀析三縣及南尹州安城縣置賓州後省思干至德改安城為保城本朝省入嶺方遷江縣本屬羈縻思

剛州本朝來屬 上林本漢嶺方縣地唐武德析置上
林縣及南方州又置無虞止戈二縣及析柳州置賀水
縣俱屬焉貞觀改澄州本朝廢之省諸縣入上林

地理沿革

表

形勝錢山寶水在嶺方 龍水在上林 虎岩在遷江

馬潭在州泉 鎮鄣山在上林 明鏡湖去州三十

五里 雙髻山中子山皆在遷江 葛仙岩在州西

盧仙岩在遷江

輿地紀勝

人物唐韋厥開拓化外詔領澄州刺史 皇朝梁仲保

與儂賊戰死今有梁太尉廟 李安面半黑蠻人號鉄

面將軍 廖世英自號逃禪居士

興地紀勝

本朝開寶五年廢賓州省瑯琊保城二縣入嶺方廢澄

州省止戈無虞賀水三縣入上林並隸邕州六年二州

並復端拱二年廢澄州以上林來屬天禧四年廢思剛

州以遷江縣來屬

沿革表

集賓州在何處為子上栖霞

蘇東坡

何處登臨好城樓對

萬山 安城太守知邊計菡萏花中閱水兵

並同上

廣右

開炎服思剛置縣衙羈縻唐世及正朔漢朝加鄉分今賀

水邑隸古瑯琊泉脉通明鏡封鄰接鎮鄒

秦泌

橫州

倚郭一
外縣一

寧浦
永淳

郡號烏巖 永定 寧浦 簡陽 從化

州沿革牛女之分春秋略越地秦屬桂林郡漢屬鬱林

合浦二郡吳析置寧浦郡梁分置簡陽郡隋廢二郡立

簡州開皇改緣州大業州廢屬鬱林郡唐立南簡州貞

觀改橫州天寶曰寧浦郡屬嶺南道五代地入南漢

沿革

縣沿革寧浦本漢廣鬱高梁二縣地吳於高涼置寧浦縣及郡梁又立簡陽嶺山二郡陳於廣鬱置樂陽郡隋開皇為簡州治大業廢屬鬱林郡又廢樂陽郡為縣廢嶺山郡為嶺縣後改樂陽曰樂山嶺縣曰嶺山唐橫州治寧浦縣武德析置蒙澤淳風二縣以樂山來屬貞觀省蒙澤嶺山永貞改淳風曰從化本朝省入寧浦永

淳本秦桂林郡地漢嶺方縣地唐武德立淳州治永定
縣天寶曰永定郡乾元復曰淳州永貞改蠻州並省武
羅靈竹二縣本朝並省入永淳

沿革表

形勝秋風江桂榜山在永定縣南 寶蓋山登高嶺在

寧浦 鳳凰巖在城東 鷓鴣灘在寧浦 震龍山在

州北 飛龍山龍牙山龍鎮山在寧浦 龍章山魚流

山在永定 秀林山在寧浦 洪崖山在城南

輿地紀勝

本朝開寶五年廢蠻州省武羅靈竹二縣入永定來屬

省從化樂山二縣入寧浦熙寧四年省永定入馬元祐

復置永定崇寧改永淳

沿革表

集萬疊山圍城堞古一灣江抱海槎浮

徐安國

羣嶺中推

古鉢尊山川羅列掌中存亭臺突兀聖婆廟丘垤逶迤

山子村秀出城南是寶華翠微深處衲僧家出郭

扶筇上翠屏却從雲隙望莎城

並同上

化州

倚郭一

石龍

外縣二

吳川

石城

郡號龍化陵水高興羅水吳川石龍陵

羅

州沿革牛女之分春秋越地秦屬象郡漢初屬南越後
屬合浦郡東漢分屬高興郡吳晉屬高涼郡宋立羅州
隋末廢屬高涼郡唐武德析置羅州又置南石州貞觀
改辯州天寶改羅州為招義郡辯州為陵水郡乾元復
為州朱全忠改辯州為歙州後復故五代地入南漢

表

沿革

縣沿革石龍本漢合浦郡高涼縣地隋置石龍縣屬羅

州州廢屬高涼郡唐武德為羅州治又析置陵羅慈廉
羅肥三縣羅州徙治以四縣屬辯州貞觀省慈廉羅肥
本朝省陵羅 吳川本漢高涼縣治宋置吳川縣屬高

涼郡唐武德析石龍置招義零淶二縣與吳川皆屬羅
州天寶改招義曰幹水本朝並省入吳川 石城本漢

高涼縣地宋檀道濟築石城立羅州隋廢之唐武德析
石龍置石城縣復羅州後羅州自石龍徙治此天寶改

石城曰廉江

沿革表

形勝石龍岡在州西南 鳳凰井在城南 龍化水在

羅州界 石城岡在舊廉江場北有石城水 石頭山

在石龍縣西 招義山在廢縣西北 近信山在吳川

西北 銅岡山在石龍東北

輿地紀勝

人物鞠景吳川進士上入黨籍

輿地紀勝

集羅川帶郭古南州陵水環城小庾樓雲淡青山無過

鴈雨涵丹荔集鳴鳩

郡守不知姓氏

本朝開寶五年廢羅州入辯州省陵羅縣入石龍省陵

涿幹水石城三縣入吳川太平興國改韓州曰化州乾

道復置石城縣

沿革表

高州

倚郭一
外縣二

電白

信宜

茂名

郡號高涼

電白

西平

潘山懷德

潭我

永熙

州沿革牛女之分古百越地秦屬南海郡漢初屬南越

後合浦東漢無屬蒼梧桓帝立高興郡吳置高涼郡梁

析置高州隋復為高涼郡又為永熙郡地唐復高州為

都督府永徽析置恩潘二州天寶曰高涼郡乾元曰高

州五代地入南漢

地理沿革表

縣沿革電白本漢高涼縣地晉安寧縣地梁置電白連江二郡又置涼封縣及南巴郡陳于安寧地置務德縣隋廢電白連江為縣又改涼封為義封並屬高涼郡大業省義封改務德為良德屬永熙郡唐武德三縣並屬高州開元改連江曰保安至德改保寧州初自高涼徙治良德大厯又徙電白信宜本漢蒼梧郡端溪縣地晉分置晉康郡梁置良德縣及郡陳於晉康立信義郡

隋廢為縣又廢涿德郡後改良德縣曰懷德屬瀧州又省信義入焉唐武德立南扶州於懷德尋復置信義徙南扶治焉又分信義置潭我特亮二縣貞觀更名寶州天寶曰懷德郡本朝並省諸縣廢寶州 茂名本春秋西甌地漢高涼縣地梁置南巴郡隋開皇分置茂名縣屬羅州廢南巴郡大業廢南巴縣及羅州以茂名屬高州唐武德置南岩州復南巴縣析茂名置潘水縣貞觀茂名屬南岩州又改潘州州廢入高州後析潘水置毛

山縣尋廢潘水永徽以茂名南巴毛山復置潘州開元
改毛山曰潘水天寶改州曰南潘郡本朝並省入茂名

沿革表

形勝毛山在舊縣東毛女隱此潘山在茂名東潘希

古煉丹處雲岫山在信宜北霧嶺崗在茂名南

畫龍山在信宜北皓鷺山在信宜西龍湫山在郡

東龍湫井龍灣井在電白百祿山在茂名千歲

山在電白信義水在信宜特亮江在茂名

輿地紀勝

人物皇朝梁楚攝廉闕傳白令扞賊遇害 陳壽瞽目

索塗送母葬兩目頓明 李周士兩舉鄉薦有詩名

本朝開寶五年廢潘州入高州省良德保寧二縣入電

白省南巴潘水二縣入茂名七年省竇州懷德潭莪特

亮三縣入信義太平興國改信宜景德廢高州入竇州

三年復置熙寧廢竇州入高州以信宜來屬地理沿革表巧

妙四山雲岫合要龍雙甌月燈明風土記

記纂淵海卷十五

欽定四庫全書

子部

記纂淵海卷十六

七十六

詳校官中書_臣涂日煥

侍讀_臣孫球覆勘

總校官降調編修_臣倉聖脉

校對官學正_臣常循

謄錄監生_臣王元愷

欽定四庫全書

記纂淵海卷十六

宋 潘自牧 撰

郡縣部

廣南西路

雷州

倚郭一海康
外縣二遂溪

徐聞

郡號海康

驚雷

徐聞

鐵把

合州

州沿革斗牛之分古越地秦屬象郡漢合浦郡徐聞縣

地梁置合州後改南合州隋曰合州大業廢屬合浦郡

唐武德復南合州為徐聞郡貞觀改東合州又改雷州

天寶曰海康郡屬嶺南道五代地入南漢

沿革表

縣沿革海康本漢徐聞縣地梁立南合州隋開皇置海

康縣大業屬合浦郡唐復置州治此 遂溪本漢徐聞

縣地南齊置椹縣隋置鐵把縣後改椹縣曰椹川並屬

合浦郡唐武德屬南合州 觀屬雷州後省二縣置遂

溪縣 徐聞漢初置縣齊改曰齊康縣置郡隋廢郡改

縣曰隋康 觀復漢置舊名

沿革表

形勝擎雷山在海康縣被雷震成水曰驚雷水 思靈

島在海鳥蛇山在海康 老鷄州抵瓊州界四里 虎

頭山英高山徒會山螺岡鹿洲卯洲皆在海康

與地紀勝

又雷

州春夏多雷秋日則伏地中其形如蜃人取而食之

國史補

人物皇朝吳國鑑為太廟齋郎蘇子由貶雷州為創一

小閣鑑坐編管

興地紀勝

本朝開寶四年省遂溪徐聞二縣入海康乾道復置徐

聞紹興復置遂溪

沿革表

集百尺危樓四遠明人從黿背戲滄溟乾坤到處皆在
目山海何人更作經死誦憐忠愍生還喜子由荒祠
連舊宅幾見白雲秋更說此州奇特事寇公歸後二

蘇來

梁山

欽州

倚郭一
外縣一

安遠
靈山

郡號寧越

欽水

安京

欽江

靈山

南賓

州沿革牽牛星紀之次古越地秦象郡地漢屬合浦郡
宋分置宋壽郡梁兼置安州隋廢郡改安州曰欽州大

業改寧越郡唐置欽州析置玉田南亭州貞觀州廢天

寶曰寧越郡乾元曰欽州五代地入南漢

沿革表

縣沿革安遠本漢合浦縣地梁分宋壽郡置安京郡隋

廢為縣屬欽州唐改保京縣本朝更今名 靈山本漢

合浦縣地宋置宋壽宋廣二郡隋廢宋廣為新化縣宋

壽為欽江縣開皇改新化曰內亭又置南賓縣後又置

遵化縣唐初治欽江武德以南賓置玉州以內亭遵化

置南亭州 觀州廢並來屬後更南賓曰靈山自欽江

徙治焉本朝徙置安遠

沿革表

形勝三山在安遠南 五湖在州城外 羅浮山在州

西北 三海岩在靈山縣境 日岩月岩龜岩醉石卧

石並在江濱

輿地紀勝

人物唐寧悌原修國史以直筆忤旨致仕 皇朝黃渙

建炎死於王事

輿地紀勝

本朝開寶五年省欽江內亭遵化三縣入靈山 景德

三年更保京縣名安遠

沿革表

集僧憐海石為碁子客懼蠻雷作酒杯

陶商

誇合浦珠

胎賤民樂占城稻米豐火炬影沈江岸北潮聲流過郡

城東 三石楔橋春會永五湖吟舫夜歸遲 寧越佳

山水

並同

廉州

倚郭一
外縣一

合浦
石康

郡號合浦 珠官 祿川 合州 珠池

州沿革牛女之分百越地秦屬象郡漢合浦郡吳改珠
官郡後復故宋兼置越州及臨瘴郡隋廢郡大業改越

州為祿州尋改合州又改合浦郡唐武德復越州又置
姜州貞觀改越州曰廉州廢姜州入焉天寶曰合浦郡
屬嶺南道五代地入南漢

地理沿革表

縣沿革合浦本漢合浦縣治吳珠官晉合浦宋以後越
州唐廉州皆置此武德置安昌高城大廉等縣屬焉又
置梁州及封山東羅蔡龍等縣 觀置珠池縣尋廢姜
州以縣來屬省安昌珠池入合浦高城入蔡龍乾元後
又廢東羅本朝省入合浦 石康本漢鬱林郡治隋末

蕭銑分興德縣置安樂縣唐觀省安樂乾封重置屬

蔚林州調露割橫貴二州地置岩州及石岩高城思封

三縣永隆以安樂隸岩州天寶曰安樂郡至德改常樂

郡更安樂縣為常樂以岩州為常樂州本朝並省置石

康縣

沿革表

形勝明月溪綠雲溪在合浦五黃山昔樵夫見五人

黃冠談笑於此百良山在合浦象鼻山在合浦狼

頭山在九域志

輿地紀勝

本朝開寶五年廢常樂州入廉州以常樂思封高城石
岩四縣地併博龜零淶鹽場置石康縣來屬省封山蔡
龍大廉入合浦太平興國廢廉州以海門鎮置太平軍
省合浦入石康咸平復置廉州治合浦

沿革表

集合浦還珠舊有亭使君方似古人清沙中蚌蛤胎常
滿潭底蛟龍睡不驚陶弼昔時孟太守忠信行海隅不賊
蚌蛤胎水底多還珠

同上

欽州

倚郭一
外縣二

南流
興業

博白

郡號尹州 寒山 西甌 建寧 南流 興業

州沿革牛女分野一云翼軫古蠻夷地春秋西甌地秦
置桂林郡又象郡地漢平南越為鬱林合浦二郡地梁
置定州改南定州陳置石南郡隋廢郡改尹州大業改
鬱林尋又為郡唐武德置牢州永淳置黨州麟德置鬱
州乾封改鬱林州天寶改定州寧林鬱林二郡屬嶺南
五代地入南漢

地理沿革表

縣沿革南流本漢合浦郡合浦縣地梁置定川縣隋廢

郡以縣屬合州開皇置南流縣尋廢唐武德置義州貞觀復南流又以潘之定川及置岩川隸焉改牢州永淳置黨州撫康善勞善文寧仁安寧懷義福陽古符八縣尋割仁安以下四縣立平琴州至德更仁安曰容山後廢平琴入黨州省善文寧仁福陽古符四縣本朝並省入南流興業本陳石南郡隋廢為縣屬鬱林郡蕭銑併置興德縣唐觀石南屬貴州麟德置鬱州於此又析置興業潭栗縣及鬱林興德屬焉乾封徙置鬱林

縣建中省石南入興業徙州治焉又省潭栗 博白本
漢合浦縣地隋置南昌縣屬合浦郡唐析置南州博白
周羅建寧三縣治博白縣尋改白州後以南昌來屬本
朝併省入博白

沿革表

形勝凝霧山飛雲山紫陽岩綠秀嶺陵青山博白溪鳳
飛山龍蟠山馬騎山皆在博白縣 萬石山在興業

萬祿山在博白 東斗山在舊州東南斗山在舊州南
銅鼓山在南流 銅鼓潭在博白 五龍山在南流

六熊山在博白

興地紀勝

本朝開寶五年省鬱林興德入興業縣廢白州省周羅
建寧南昌入博白隸廉州七年復立白州廢牢黨二州省
撫康善勞容山懷義定州宕川皆入南流來屬至道二
年自興業徙州治南流政和廢白州後復置紹興又廢

白州以縣來屬

沿革表

集日將先聖詩書教暫作文翁守鬱林

楊叔賢

南流底處

所絳帳居尊嚴

李鼎送高補之

漢令班南海蠻兵避鬱林天涯

柱分界徼外貢輸金坐失姦臣意難明報國心一棺忠

勇骨漂泊瘴江深

溫公馬
伏波詩

賀州

倚郭一
外縣二

臨賀
富川

桂嶺

郡號賀山 賀水 臨賀 桂嶺 臨慶

州沿革星紀鶉尾之次秦屬南海郡漢屬蒼梧郡吳分

立臨賀郡宋改臨慶國齊復臨賀郡隋廢郡為賀州大

業廢屬始安郡唐武德置賀州綏越郡天寶曰臨賀郡

五代馬氏有之後入南漢

沿革
表

縣沿革臨賀漢屬蒼梧郡又封陽縣吳以臨賀為郡治
封陽屬焉隋立賀州大業廢屬始安郡省臨賀置綏越
蕩山二縣尋皆省封陽屬蒼梧郡唐復臨賀縣為州治
封陽來屬天寶置蕩山縣本朝並入臨賀富川漢屬
蒼梧郡又馮乘縣地隋富川屬賀州始安郡馮乘屬零
陵郡唐武德二縣來屬天寶改富川曰富永後復故

桂嶺本漢臨賀縣地吳置建興縣屬臨賀郡晉改興安
隋更今名屬熙平郡唐武德來屬

沿革表

形勝橘山在臨賀 桂山在桂嶺 龍溪山在富川

龍門灘至州城八里 白雲山碧雲岩仙溪水靈溪水

皆在富川 錫溪水在臨賀 銀殿山在富川 甌山

州西高千餘丈 臨賀嶺五嶺之一也

興地
紀勝

人物皇朝毛溫交寇竊發溫以主簿糾土豪戰勝挫賊

毛士毅為石城令李接反士毅戰死 毛塤居喪毀

瘠十年不調 林動獻本政書十五篇 五輪受薦憲

臺俄以爭獄事還其薦章 岳飛為中興名將

同上

本朝賀州初隸廣東大觀改隸西路開寶四年省封

陽蕩山縣入臨賀省馮乘入富川

沿革表

集賀州城西丹甌山一亭搖挿紫雲間龍墀讓策名猶

在鶴馭臨風去不還

郭祥正

羽客朝元地遺壇古樹中煉

成丹竈在騎去鶴巢空

陶弼

瓊州

倚郭一外縣四

瓊山澄邁

文昌

臨高

樂會

靖海軍節度

郡號曾口

靖海

瓊山

容瓊

州沿革牛女之分南裔蠻夷之地漢珠崖郡地武帝置
珠崖儋耳二郡後皆廢東漢置珠崖縣屬合浦郡吳改
珠崖郡晉廢之梁立崖州隋大業更珠崖郡唐初為崖
州貞觀析置瓊州後廢又置天寶改瓊山郡屬嶺南五
代地入南漢

地理沿革表

縣沿革瓊山本漢瑋瑁暉都二縣地隋置顏盧縣屬珠
崖郡大業於暉都地置舍城縣唐武德於舍城置崖州
顏盧屬焉貞觀改顏城後於瑋瑋地置瓊山縣為郡州

治析置甌口顏羅容瓊三縣開元省顏城貞觀省容瓊
入瓊山屬崖州五代省甌口顏羅本朝廢崖州以縣來
屬澄邁本漢苟中縣地隋大業置澄邁縣屬珠崖郡
唐屬崖州文昌本漢紫具縣地唐武德置平昌縣屬
崖州貞觀更今名臨高唐武德分平昌縣置臨機縣
屬崖州貞觀來屬開元更今名樂會唐顯慶初置屬

瓊州

沿革表

形勝瓊山白玉乃奉化鄉二村名澄邁山在本縣

毗耶山在臨高 陰陽山在樂會 雲露山在瓊山

南 三坑水在文昌 五指山在臨高 七星山在瓊

山 紫具蒼錫山在文昌

輿地紀勝

人物皇朝姜唐佐從東坡學 陳孚從宋公貫之學郡

人得進士出身自孚始 杜介之真純野逸有隱士風

王進慶事母至孝

同上

本朝開寶五年廢舊崖州以舍城澄邁文昌三縣來屬
熙寧省舍城入瓊山 大觀三年以樂會縣屬萬安軍

尋復故政和元年升靖海軍節度

沿羊表

集適從瓊管魚龍窟秀出羊城翰墨場蒼海何曾斷地

脉白袍端合破天荒

東坡贈姜唐佐

瓊崖千里環海底民夷錯

居古相蒙方壺蓬萊此別宮峻靈獨立秀且雄為帝守

寶甚嚴恭

東坡

昌化軍

倚郭一外縣二

宜倫昌化

感恩

郡號儋耳

宜倫

毗耶

昭山

倫江

南崖

軍沿革星土同瓊州漢武置儋耳郡梁屬崖州隋珠崖

郡治大業分置儋耳郡唐武德立儋州天寶改昌化郡

屬嶺南五代地入南漢

沿革表

縣沿革宜倫本漢儋耳郡地隋義倫縣為珠崖郡治唐

武德置儋州本朝廢為縣昌化本漢至來縣地隋大

業置昌化縣屬珠崖郡唐武德來屬貞觀析置吉安縣

乾元省之感恩本漢九說儋耳二縣地隋大業改今

名又置毗善縣並屬珠崖郡唐武德來屬更毗善曰富

羅乾元立洛場縣南漢省富羅本朝並省入感恩

沿革表

形勝昭山在宜倫 明山二石如人形號兄弟石乳

泉在天慶觀東坡有賦 相泉趙相所鑿 德義山黎

曉山黎毗山皆在宜倫 黎虞山在感恩黎母山黎粉

山見寰宇記

與地紀勝

人物皇朝王霄以貢士住辟雍 王公輔曉天文東坡

甚重之

同上

本朝太平興國改義倫縣曰宜倫省洛陽縣 熙寧六年降儋州為昌化軍省昌化縣入宜倫又省感恩縣元

豐復置二縣 紹興五年廢軍入瓊州十三年復置

沿革

表

集竒峰望黎母何異松與却飛泉瀉萬仞舞鶴雙低昂
芋魁儻可飽無肉亦奚傷 不用長愁掛月村檳榔生
子竹成孫 潮聲捲海千峰雨月色侵門滿地霜 儋
耳道中還可樂東坡安用嘆窮途

胡銓

萬安軍

倚郭一
外縣一

萬寧
陵水

郡號萬寧 萬全 陵水 赤隴 金山

軍沿革星土同瓊州隋屬珠崖郡唐貞觀屬瓊州後屬
崖州龍朔立萬安州天寶曰萬安郡至德改萬全郡屬
嶺南五代地入南漢

沿革表

縣沿革萬寧本漢紫貝縣地唐貞觀置萬安富雲博遼
三縣屬瓊州後屬崖州龍朔萬安州治此開元省治陵
水至德改萬安曰萬全貞元復故名又自陵水徙治焉
本朝改今名 陵水本漢臨振縣地隋大業治縣唐初
屬振州後來屬開元為州治後復遷

沿革表

形勝南山靈山聲山在陵水 金仙水在萬寧北 金

牛嶺在城西北 赤龍山在萬安東南 清溪水在萬

寧縣北 獨洲山在城東南 雙女石在城南

興地紀勝

本朝熙寧六年改為萬安軍改萬全縣為萬寧省富陽

博遼二縣入焉七年省陵水縣入萬寧元豐復置 紹

興五年廢軍屬瓊州十三年復置

沿革表

集萬安無市井斗水寬百憂天低瘴雲重地薄海氣浮

東坡

吉陽軍

倚郭一

寧遠

郡號延德 寧遠 朱崖 臨振

軍沿革星土同瓊州漢朱崖郡及臨振縣隋大業置臨

振郡唐武德改振州寧遠郡天寶曰延德郡屬嶺南五

代地入南漢

地理沿革表

縣沿革寧遠縣隋大業分臨振郡置縣屬珠崖郡尋割屬臨振郡又置延德臨川二縣唐貞觀分寧遠置吉陽縣永徽分吉陽置洛屯縣並屬振州治寧遠本朝並省

入寧遠

沿革表

形勝育黎山育黎水落島山落猿水皆在寧遠軍石船

在南嶺之南 石盤去城十三里可坐十客 黎莪山

臨川水藤橋水皆在吉陽縣 澄島山見寰宇記

輿地紀勝

人物皇朝裴瑒晉公之十四代孫趙丞相為作家譜

陳中孚及其子適皆以平賊有勞相繼知昌化軍胡澹

庵為作記

同上

集獨上江亭望帝京鳥飛猶見半年程碧山也恐人歸

去百匝千遭遠郡城

李德裕

本朝開寶五年更曰崖州是謂新崖州省延德臨川落

屯三縣入焉熙寧六年降為珠崖軍省寧遠吉陽為臨

川藤橋二縣後又置寧遠紹興五年廢郡屬瓊州十二

年更置吉陽軍

地理沿革表

程途何啻一萬里戶口都無二

百家

東坡

且作白衣菩薩觀海邊孤絕補陀山夢裏分

明見黎母生前定合到朱耶平生不識澗渤島入海

要看蓬萊山

同上

成都府路

彭州

倚郭一
外縣二

九隴
崇寧

濠陽

郡號濠陽

彭門

天彭

瀾濠

小邛

天水東

益九隴

州沿革秦地鶉首井鬼之分禹貢梁州職方雍州之域

秦漢屬蜀郡晉桓溫置寧蜀郡梁置東益州西魏置天

水郡後周州廢置九隴郡隋開皇廢郡仁壽置濠州大

業廢之蜀郡唐武德復濠州貞觀廢之垂拱置彭州屬

劔南道天寶曰漢陽郡

地理沿革表

縣沿革九隴本漢蜀郡繁縣地晉置晉壽縣屬梓潼郡
後周改九隴縣及郡隋初置濛州州廢屬蜀郡唐武德
置濛州貞觀屬益州垂拱為彭州治 崇寧唐儀鳳析
九隴導江郡縣置唐昌縣屬益州垂拱來屬長壽改周
昌神龍復故後梁改歸化縣後唐復為唐昌石晉改彭
山後復故本朝更今名 濛陽唐儀鳳析九隴新都新
繁什邽雒縣置垂拱來屬

沿革表

形勝九隴山一名九峯曰伏隴豆隴秋隴奔馬隴走龍
隴駱駝隴千秋隴較車隴橫檐隴在九隴縣北 兩岐
山在九隴縣 大隋山有景德寺神照禪師所居 中
隋山在大隋之後 小彭陽以彭門牡丹得名 小成
都昔有樵人逐鹿入石穴見邑屋連接問是何處人荅
云小成都也 天彭山以彭祖出入此山因號彭門
天敕山天德山在九隴縣北 白鹿山白馬泉在濛陽
縣 葛瓚山在九隴縣 葛仙化瀾濛水在濛陽縣

玳瑁崖在崇寧縣

與地紀勝

人物皇朝胡銍國初召赴闕不願仕 陳脩自號市隱

居士

同上

集蜀路江干窄彭門地理長 天彭信方隅城勢誠斗

絕

蘇頌

湖水欲平官舍好茶征初復訟氓稀

蘇子由

綿州

倚郭一外縣四

巴西彰明

魏城

羅江

鹽泉

郡號巴西 金山 左綿 涪江 綿水

州沿革秦地鶉首之次禹貢梁州職方雍州之域秦屬

蜀郡漢屬廣漢郡蜀屬梓潼縣晉以後屬梓潼巴西二郡西魏兼置潼州隋開皇廢郡改綿州大業改金山郡唐武德復綿州天寶曰巴西郡屬劔南道

沿革表

縣沿革巴西本漢廣漢郡涪縣西魏改巴西縣隋置金山郡唐置綿州 彰明本漢涪縣地東漢永元置漢昌

縣屬巴西郡蜀初屬宕渠郡尋廢郡屬巴西郡惠帝分屬宕渠郡西魏改縣曰昌隆隋屬金山唐先天改縣曰昌明後唐改今名 魏城本漢涪縣地晉西魏置縣屬

隋金山郡唐屬綿州 羅江本漢涪縣地晉置萬安縣

後移於潺亭改潺亭縣西魏復曰萬安置萬安郡隋廢

郡屬金山郡唐屬綿州天寶改今名 鹽泉本漢涪縣

地唐武德析置魏城

同上

形勝金山在巴西縣 羅江兩水相感成羅紋因以名

縣 富樂山在巴西縣東 廉遜水在彰明縣 戴天

山流霞山皆在彰明 明月山仙雲山在巴西縣 涪

水在彰明 潺水在羅江縣 天池山在州北 天倉

洞在彰明 玉盆山在魏城西石磬山與戴天山相接

龍池山蚌溪水在羅江縣 龍臺山在廢西昌縣

太筆山靈臺山在彰明高靈山在魏城縣

輿地紀勝

人物漢涪翁著針經脉法 蜀杜微武侯招之拜為諫

議大夫 宋范桓年對明帝曰臣居廉遜之間

詳見泉類

梁李膺有辯才武帝問今李膺何如昔李膺對曰昔李膺

事桓靈之主今李膺逢堯舜之君 唐李白生於涪州

陳該對策中高第 皇朝蘇協始居左綿二子易簡

易直孫舜欽 李餘年十三詣吏代母死因自殺任

子宣應賢良科著古涪志 馮因年六十致仕 景尚

景尚雍陟雍堯俞揚師孟皆元符上書入邪等

同上

集綿州州府何磊落顯慶年中越王作孤城西北高起

樓碧瓦朱甍照城郭

杜詩

本朝三川會合遠城下巴字體勢何盤盤却疑天工勅

水帝戲寫鳥跡傾波瀾

鮮于

悵望古來廉遜國晚晴烟

樹只悠悠

同上

磊落人為磊落州滕王閣望越王樓 蒲

萄酒綠似江流夜宴唐家帝子樓

同上

山從劒外呈天險

樹徧巴西送客愁 富樂之名誰所留建安年中劉豫

州擁兵入蜀萬貌貅屏璋送國來迎頭炙如巴山酒如

浮富樂之名此其由

唐子西

漢州

倚郭一外縣三

雒縣什邡

綿竹

德陽

郡號廣漢 鴈江 房湖 德陽 綿竹 鹿頭

州沿革秦地井鬼分野禹貢梁州職方雍州之域秦屬

蜀郡漢屬廣漢郡東漢又為益州刺史治晉置新都郡

宋齊為廣漢晉熙二郡隋廢之屬蜀郡唐初屬益州垂

拱分雒縣漢置州屬劔南道

沿革表

縣沿革雒縣漢屬廣漢郡東漢廣漢晉新都宋齊廣漢皆為郡治改雒縣名廣漢隋屬蜀郡開皇改綿竹縣大

業復為雒縣 什邡漢屬廣漢郡晉屬新都郡後周為

方亭縣隋省之唐武德析雒縣置什邡屬漢州 綿竹

漢屬廣漢郡晉屬新都郡隆安置晉熙郡周改縣名晉

熙隋廢郡後改縣曰孝水大業復曰綿竹唐武德屬濛

州貞觀州廢屬彭州垂拱來屬 德陽本漢綿竹縣地

東漢析置德陽縣後周廢之唐武德分雒縣復置屬益

州垂拱來屬

沿革表

形勝房湖本唐房琯所鑿凡數百畝洲島回環 國朝

咸平又開南湖泄西湖餘波以入焉 章山在什邡縣

西 綿水在雒縣東 孝泉在德陽縣西昔郭華以父

喪明泣告上天泉出其庭以濯父目明復如初 聖水

在德陽馬鞍山 金匱山翠屏山在綿竹 寶峯山在

什邡 躍鯉泉在德陽昔姜詩至孝所感 沈犀橋在

郡北 王妃溪在綿竹 玉女泉在什邡赤塗山紫岩

山十將山萬斛山皆在綿竹 金鴈津在雒縣西 白

魚水即沈犀橋水

輿地紀勝

人物漢嚴君平一云廣漢人 李業不受公孫述之聘

飲毒死 劉寵號一錢太守 姜詩以孝感雙鯉之應

蜀秦泌先主辟之為從事 西魏鄧刺史十世同居

旌表其門 皇朝宇文之邵上書乞選監司不報棄官

不仕 楊繪論王安石補外 張紘舉茂才異等子張
咸召試賢良為第一孫張浚中興名相曾孫張栻號南

軒先生同

集鹿頭何亭亭俯見千里豁

杜甫

木落漢川夜西湖垂月

鉤旌旗環外次舟楫泛中流

劉夢得

結宇依回渚水中信

可居三伏氣不蒸四達暑自沮 北來初入漢州城郭

邑樓臺觸目驚松桂影中旌旆色芰荷風裏管弦聲

鳳沼才能盡餘思鑒西湖

嚴公期

本朝西湖深鎖一溪雲風景幽閑少到人天外樓臺常
貯月水邊花木別留春房公昔漂泊置酒此鳴琴人
事有憂樂山光無古今廣漢有姜子孝悌行里閭赤
眉雖豺虎弛兵過其墟至今空清泉無復雙鯉魚橋
邊金作鴈湖上酒為鷺

李石詩郡有金鴈橋

邛州

倚郭一外縣五

臨邛政

安仁

大邑

蒲江

火井

郡號臨邛

火井

邛崃

斜江

蒲江

州沿革秦地井鬼之分禹貢梁州職方雍州之域秦以後屬蜀郡宋齊屬晉康郡邛州西魏屬臨邛郡隋開皇廢郡大業廢州復郡唐武德置邛州臨邛郡沿革表

縣沿革臨邛縣漢屬蜀郡西魏置臨邛郡又分置臨漢縣屬蒲源郡隋開皇廢郡省臨漢大業改雅州為臨邛縣以縣屬焉唐復置臨漢並屬邛州顯慶州自依政徙治此太和以臨漢屬嵩州後復故依政本漢臨邛縣地西魏置邛州及依政縣隋大業州廢屬臨邛郡唐初

邛州治此後徙治臨邛 安仁本漢臨邛縣地唐武德

析臨邛依政置縣貞觀省咸亨復 大邑本漢蜀郡江

源縣地唐咸亨析益州之晉原置 蒲江本漢臨邛縣

地西魏置廣定縣及蒲源郡隋開皇廢郡仁壽改曰蒲

江屬臨邛郡唐屬邛州太和屬雋州後復故 火井本

漢臨邛縣地後周置火井鎮大業升為縣屬臨邛郡唐

屬邛州

沿革表

形勝山曰邛崃浸曰邛水淵曰邛池毛曰邛竹

圖經序 金

提鐵山在臨邛

火井在本縣

詳見火類

銅官山鄧通所

封金釜井等有八出鹽課白鶴山在城西八里有

白鶴臺鶴鳴山虎壁泉在大邑西四明山七盤山

九岫山七星井皆在臨邛三瀑泉在霧山青霞幃

碧玉潭皆山中處

與地紀勝

人物漢司馬相如今臨邛有琴臺及文君井三國甘

寧仕吳為折衝將軍唐梁震耻為高季興所留終身

不稱官爵皇朝李公泰仕至起居舍人常安民為

御史子常同亦為言官忤旨補外 陳賓號白衣御史

黃昂秦檜當國上黨言二十篇檜怒欲擒殺之 杜

國寶數千里求其父以歸 李僑崇陵不豫久闕過宮

公上疏乞以所得官資回贈二親以感動上意

同上

集火井沈熒於幽泉高燭飛扇于天垂

文選

我愛銅官樂

千年未擬還要須回舞袖拂盡五松山

李白

本朝熙寧五年省臨溪縣入臨邛

沿革表

平日蘭溪隱春

雲蕙帳眠定應猿鶴在歸去盡蘆鞭

范蜀公

先生宴坐西

湖曲水上青山削寒玉日光浮動山影來釀作一湖春

酒綠

石安期

仰窮胡老棲神地俯壓張公釣鰲磯

張宗廣

黎州

倚郭一

漢源

郡號沈黎 符都 洪源 漢源

州沿革井鬼之分禹貢梁州職方雍州之域秦漢屬蜀

郡東晉李特據蜀置漢源郡後周開越雋置黎州隋秦

壽置登州大業州廢屬臨邛郡唐武德復登州後廢之

大足元年置黎州神龍廢開元復天寶曰洪源郡屬劍

南道

沿革表

縣沿革漢源本漢蜀郡旄牛縣地隋大業置漢源縣唐武德增置陽山以二縣立登州州廢屬雅州貞觀屬嵩州永徽復屬雅州儀鳳分漢源置飛越縣大足以三縣置黎州天寶改陽山為通聖五代省飛越入漢源

沿革表

形勝九折坂在邛崃山乃王尊叱馭處 三里碕一名

三碕城 邛崃山在州北 筍箴山在州西北 通望

山在大渡 河南飛越山在廢縣西北 飛水山在州

東北 銅山城在洪源縣西北 寶蓋山在梵音水之

東 試劍山在漢源鎮之西北 彈琴谷在州西北

和尚山在州東北 道士峯在龍池山之右仙人洞去

州五十里

興地
紀勝

本朝慶曆七年省通望縣入漢源

沿革
表

集絕塞邛崃外偏城越雋東山含初夏雪林偃夕陽風

喬木千年帝與齡世傳栽植自神僧

前人
世傳
唐三
藏師
植杖
黎云

他日州治在此
後果遷如師言邛崃古道驚險絕我行更遭連日雪縱

觀自古得奇勝未審底處為九折李

簡州倚郭一
外縣一
陽安
平泉

關

成都府路

雅州

倚郭一
外縣四

嚴道
廬山

名山

百丈

榮經

郡號廬山

雅安

漢嘉

蒙山

嚴道

蔡蒙

州沿革井鬼之分禹貢梁州職方雍州之域秦漢屬蜀

郡東漢屬蜀郡蜀國三國先主屬漢嘉郡晉永嘉沒於獠

西魏開生獠置濛山郡屬邛州隋廢郡置雅州大業廢

為臨邛郡唐武德復曰雅州天寶曰廬山郡屬劔南道

沿革表

縣沿革嚴道秦初置縣漢屬蜀郡三國屬漢嘉郡西魏
置濛山郡改縣曰始陽隋廢郡改始陽曰濛山大業復
曰嚴道置臨邛郡唐雅州治初置濛陽等五縣尋省之
廬山本漢蜀郡青衣縣地及靈關道屬越巂隋置廬
山鎮仁壽升縣屬臨邛郡唐屬雅州初置靈關縣後省
之儀鳳置大渡縣長安省之名山本漢青衣縣地西

魏置濛山縣隋改始陽曰濛山而改濛山曰名山屬臨
邛郡唐屬雅州貞元曰漢源後復故百丈本嚴道縣
地唐武德置百丈鎮貞觀升縣榮經本嚴道縣地唐
武德析置

沿革表

形勝其山蔡蒙其闕邛崃百丈山去本縣十五里

九折坡在榮經縣三堆山在州治南靈關山在盧

山縣北雷泉山在姜城東金船山在盧山大峽中

羅帶水在盧金馬峽金雞山在嚴道金鵞池在

廬山北 鳳凰山麒麟渡在嚴道 鹿池龍潭在榮經

縣 銅山在百丈東鄧通鑄錢地 銀山在百丈西南

金穴在嚴道之金沙鎮

輿地紀勝

人物漢高頤其弟君實子文玉一門三舉孝廉 五代

王承肇魏王宗侃之子也 皇朝曹光實為國破賊為

親報仇 曹明光實之從子也李順之亂攻復雅州

景自芳以二月二十日作寒食至今人依之號景村寒

食 何大受元祐黨人

同上

集琴裡知聞維綠水茶中故舊是蒙山

白樂天

本朝熙寧五年省百丈縣入名山元祐復置

沿革表 鶯渾

開性鑿龍洞隔凡塵

豐稷

江聲捲出風雷去山色攜將圖

畫來

李艾

岩前雨過仙臺迴洞口雲歸藥竈閑

宋

舊譜最

稱蒙頂味露芽雲液勝醍醐

文潞公

茂州

倚郭一汶山
外縣一汶川

郡號通化 冉駘 汶山 茂林 汶川 南會 鐵

豹

州沿革秦地井鬼之分禹貢梁州職方雍州之域秦冉駹國漢武開置汶山郡地節罷屬蜀郡東漢靈帝復汶山郡梁置繩州及北部郡後周改汶山汶川郡隋廢郡改蜀州尋改會州大業曰汶山郡唐武德曰會州尋加南字貞觀改茂州屬劔南道天寶曰通化郡

沿革表

縣沿革汶山本漢汶山郡汶江湔氐三縣地郡廢屬蜀郡東漢復置郡及汶山縣晉置廣陽郡省汶山梁置百部郡隋仁壽改廣陽曰汶山為郡治唐置茂州 汶川

本漢綿虎廣柔二縣地初屬汶山尋隸蜀郡東漢以廣柔屬汶山郡晉省綿虎後廢廣柔後周置汶川縣隋屬

汶山郡唐屬茂州

同上

形勝汶山即禹貢岷山也在列鷺村江水出焉 汶江

出岷山為大江 玉壘山在汶山縣東 玉輪山玉輪

江在縣北 石鏡山在汶山縣 龍泉山在汶山縣南

有龍湫 龍溪水引入城內居民汲飲 五福泉在州

治 五味山出五味子 鐵豹嶺即岷山

輿地紀勝

集雪嶺防秋急繩橋戰勝遲

杜甫茂州有繩橋編竹繩為之

暮倚高樓

對雪峯僧來不語自鳴鍾孤城返照紅將飲近市浮烟

翠且濃

同上

本朝熙寧九年即汶川縣治置威戎軍使

沿革表

矧石紐

大禹之所宅本冉駘西漢而後通貢賦無三品之金羈

縻近十州之獠

李茂州謝啓

雲迷夏禹徙前宅雪壓姜維最後

城

李新

山上浮雲城上色江邊羗角水中聲

同上

威州

倚郭一外縣

保寧通化

郡號維川 維城 薛城

州沿革秦地井鬼之分古冉駝國漢武帝開汶山郡後
屬蜀郡唐武德於姜維故城置維州領金山定康二縣
貞觀廢之二年復立為羈縻州麟德始為正州天寶曰
維州郡後沒於吐蕃太和中守將悉怛謀以州歸李德
裕受之為牛僧儒所沮復棄之大中三年杜悰收復
沿表

縣沿革保寧本冉駝地隋開皇討羗以其地置薛城戍

大業沒於羗唐武德置維州自姜維故城徙治此及置
薛城鹽城縣永徽省鹽城後改薛曰保寧通化本漢
廣柔縣地周置石門鎮隋開皇置金川縣後改通化屬
汶山郡後廢唐咸亨置小封縣後復今名初屬茂州後
屬維州

沿革表

形勝雪山在保寧縣西南積雪不消乳川與雪山相
連花崖山在保寧北蒲溪橋在保寧東駱駝山
在保寧西牛犂山平谷水後谷水皆在保寧北

輿地紀勝

集窻含西嶺千秋雪門泊東吳萬里船

杜詩

本朝景祐三年以京遞發維州文書誤至維因改名威

州

沿革表

隆州

倚郭一
外縣三

仁壽
井研

貴平

籍縣

郡號仁壽 南隆 仙井 陵井 隆山

州沿革秦地井鬼之分禹貢梁州職方雍州之域秦屬
蜀郡漢屬犍為郡武陽縣晉置西城戍梁置懷仁郡後
周置陵州隋大業置陵山郡唐武德復陵州天寶曰仁

壽郡

沿革表

縣沿革仁壽本漢武陽縣之東境晉置西城戍梁置懷仁郡西魏以西戍置晉寧縣周置州治焉隋開皇廢郡改晉寧曰仁壽大業置隆山郡唐為陵州治 井研本漢武陽縣治東晉置西陽郡西魏置蒲亭縣隋改井研縣開皇析置始建縣屬陵州 貴平本漢蜀郡廣都縣地西魏置和仁郡及貴平平井可曇三縣周廢可曇平井隋廢郡貴平縣自和仁城移治鹿川大業省籍縣入

焉屬陵州 籍縣本漢武陽縣地後周置籍縣隋省入

貴平唐永徽復置

沿革表

形勝前距漢嘉後距廣都 棟牛鞞在其東鼎鼻岨峽

在其西

隆山志

大小龍淵沙色如金 東岨西岨山相對

郡治居其中 麟山龜山鳳山皆在井研 佛岩山在

仁壽 呂公洞在井研其地號呂村 玉屏山在城西

玉淵池金倉山金萃山香雲山皆在仁壽 紫雲洞在

郡西 仁壽水在本縣 慈孝村在籍縣 走龍山在

貴平來鳳山在井研 龍岩山去郡四十里龍臯水在

二溪鎮

與地
紀勝

人物皇朝牟永鉦與賊王均戰死 范雍官至樞密使

黃千陳祐李新元祐黨人 馮時及其弟昕靖康皆

以忠義死國 俞汝礪張邦昌僭位掛衣冠去自號捫

膝先生 員與宗會虜使不拜 何臬狀元為相死于

國與兄棠弟桀號為三鳳 虞允文中興功臣

同上

本朝咸平五年省始建縣入井研熙寧元年廢陵州為

陵井監以貴平籍二縣大觀改仙井監隆興元年升為

隆州乾道復置二縣

沿革表

集江邊亂石赤如赭陵陽正在千山頭

東坡

自喜吾懷已

虛白三隅山色更清平

趙清獻

三山高峭拔昂峙各爭雄

秀氣鍾英物衣冠屬盛平

趙善詔

雲山高閣倚危牆晚意

無窮在渺茫極望不知雲幾許滿空惟見雁交相

李可

永康軍

倚郭一外縣一

導江青城

郡號乾德

中名

赤城

西山

灌州

永安

軍沿革井鬼之分漢以後屬蜀郡唐屬彭蜀二郡本朝

置軍

沿革表

縣沿革導江本漢蜀郡郫縣綿遘二縣地蜀置都安縣屬汶山郡後周改縣曰汶山隋改茂州廣陽縣曰汶山而此縣廢唐武德置盤龍縣尋改導江自灌口移治今屬益州後屬濠州貞觀復屬益州改曰灌寧垂拱屬彭州開元復曰導江本朝置軍來屬青城本漢江源縣地齊武帝置齊基郡後周改青城縣屬犍為郡隋屬蜀郡唐

垂拱屬蜀州開元去水為青城縣本朝置軍來屬

地理沿革表

形勝白沙一百八景

青城三十六峯

河圖括地像

青城山

在本縣之北有八大洞應八景七十二小洞應七十二

候為第五大洞天 赤城山在長生觀後 赤崖山皂

江水白沙水玉壘山玉環池皆在導江縣 寶園山在

青城縣蠶崖開本李永作大堰以溉諸縣三石人立水

中刻曰水刻不至足盛不沒腰 墓頤山在青城縣

石天地在常道觀北石日月在延慶觀東皆天師設此

與鬼為誓 天池山在岷山 天彭山在導江縣

與地勝

人物五代何昭翰遇釣者相攜入青城山不知所之

本朝譙定深於易學後隱青城山 何渙鄉貢禮部逮

廷試俱第一 何掄上舍及第後中詞學兼茂才科

劉渭入元符黨籍 張及崇寧上書乞復司馬光官爵

謝發鄉貢為舉首五子固田因圓困迭魁太學稱西

州五鳳 姚平仲與譙定為青城二隱士

同上

集竹覆青城合江從灌口來

杜詩

蠶崖鐵馬瘦灌口米船

稀自為青城客不唾青城地為愛丈人山丹梯近幽意

同上蜀西南山千萬重仙經最說青城峯 青城嶺岑倚

空碧遠壓峨眉吞劒壁

錢起

本朝乾德四年置永安軍治灌口鎮以彭州導江蜀州

青城一縣來屬熙寧郡廢元祐復置

沿革表

雲霞揖神仙

烟火認城郭

范蜀公

青城山繞上清宮面面看成第一峯

午夜林蠻御斗柄半天樓觀鎖青容

張震

一百八景蟠絕

三十六峯面環

胡有開

短筇穿白雲直入孤峯頂下看六

時崖前臨七折嶺

鄭廷芳

仙人有宮號儲福藏在千山萬

山曲

王

十丈牡丹如錦蓋人間姚魏却爭春

范成大咏牡丹平

石泉軍

倚郭一外縣二

石泉龍安

神泉

郡號金川 神泉

軍沿革井鬼之分禹貢梁州職方雍州之域秦蜀郡地

漢屬廣漢郡地東漢屬汶山郡晉屬汶山巴西郡後周

屬汶州隋屬汶山金山郡唐屬茂州綿州本朝置軍

沿革

表

縣沿革石泉本漢汶山漢柔二縣地後周汶州汶山縣
地隋開皇置金川縣屬會州仁壽改通化縣唐分汶山
地置石泉縣與通化縣並屬茂州五代廢通化本朝置
軍來屬 龍安本漢廣漢郡涪縣地晉桓溫置益昌晉
興二縣屬巴西郡西魏省晉興後周又置金山縣隋省
益昌入金山屬金山郡唐武德改曰龍安屬綿州永淳
增置西昌縣本朝省之 神泉本漢涪縣地晉僑置西
充國以縣屬巴西郡隋屬金山郡開皇改今名唐屬綿

州本朝置軍來屬

沿革表

形勝赤溪在神泉縣 黑水在石泉縣 神泉在西平

池飲者愈疾 醴泉在龍安縣 玉峯山銀線潭在神

泉縣 白馬津白半岡松嶺山茶川水皆在龍安縣

三面山五頂山在石泉縣

輿地紀勝

人物王仲華以直諫聞於時

同上

本朝熙寧九年以茂州石泉縣屬綿州政和七年置石

泉軍治此 熙寧五年省西昌縣為鎮入龍安政和置

軍以綿之龍安神泉二縣來屬政和改龍安曰安昌後

復故

沿革表

記纂淵海卷十六